

# تفسير سورة مريم

لسيدنا يوسف بن المسيح

عليه الصلاة والسلام



## درس القرآن و تفسير الوجه الأول من مريم .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الأول من أوجه سورة مريم ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعده ، لدينا اليوم الوجه الأول من أوجه سورة مريم ، و نبدأ بأحكام التلاوة و أرسال :

- من أحكام النون الساكنة و التنوين :

الإدغام و حروفه مجموعة في كلمة (يرملون) أي أنه إذا أتى بعد النون الساكنة أو التنوين حرف من حروفها , و هو نوعان : إدغام بغنة و حروفه مجموعة في كلمة (ينمو) . و إدغام بغير غنة و حروفه (ل ، ر) .

و الإخفاء الحقيقي حروفه في أوائل الكلمات من الجملة الآتية (صف ذا ثنا كم جاد شخص قد سما دُم طيباً زد في تقي ضع ظالماً) .

و ثم تابع نبي الله يوسف الثاني ﷺ الجلسة بشرح الوجه لنا فقال :

هذه السورة العظيمة المباركة المقدسة ، هذه السورة هي سر الولاية و سر النبوة و سر الإصطفاء و سر الإجتباء ، إزاي بقى؟؟ هنعرف ، أول آية : {بسم الله الرحمن الرحيم} هي آية عظيمة مقدسة ، هذه السورة العظيمة تُبين لنا طريق الإصطفاء وطريق الإجتباء و طريق الولاية و طريق النبوة ، و تُرينا مفتاح الولاية الذي هو مفتاح النبوة و الإصطفاء و الإجتباء ، إيه هو المفتاح ده؟؟ المفتاح أهو : {كهيعص} هو ده المفتاح ، و الناس ماكنتش تعرف معنى الكلمة دي ، معظم الحروف المقطعات بتبين/توضح إيه؟ إن الحروف دي عبارة عن حروف من خلالها ربنا جمع هذه الكلمات و نطقها و أوحى بها ، فأصبحت القرآن الكريم ، صح؟ مش معظم الحروف المقطعات كده؟؟؟ (ألم ذلك الكتاب المبين) صح؟؟ تلك آيات الكتاب المبين و هكذا ، طيب هنا بقى ربنا قال إيه؟؟ (كهيعص) ذكر رحمة ربك عبده زكريا) يعني الكلمة دي ، المفتاح ده هو عبارة عن ذكر رحمة ربك ، اللي هي إيه رحمة ربك بقى؟؟؟ عبده زكريا ، يعني قصة العبد زكريا ، قصة الولي زكريا ، قصة المصطفى زكريا ، قصة النبي زكريا ، قصة النبي زكريا هي (كهيعص) ، و قصة كل نبي هي (كهيعص) ، و قصة كل مصطفى هي (كهيعص) ، و قصة

كل مجتبیٰ هي (كهيعص) ، و كل تلك القصص هي رحمة ، رحمة مين؟؟ هي رحمة الله ، مين؟؟ المُرَبِّي ، هي رحمة ربك ، (ذكر رحمة ربك) أي قص ذكر رحمة ربك عبده زكريا ، و ربنا بدأ سورة مريم بقصة زكريا ، لأن قصة مريم هي جزء من زكريا ، جزء من قصة زكريا ، لأن بداية مريم هي كانت بسبب زكريا ، خلي بالك ، زكريا في وقتها كان هو نبي الزمان ، كان هو إمام الزمان ، كان هو خليفة الوقت ، زكريا ، و زكريا ده كان مقيم الشعائر ، مقيم شعائر و كان عبداً صالحاً فاصطفاه الله نبياً ، تمام كده؟ طيب ، نفصل بقى المفتاح ، نعرف يعني إيه المفتاح ، المفتاح ده هيتكلم عن الوجه الأول ده ، اللي هي جزء قصة زكريا ، و هيتكلم عن الوجه الثاني ، الجزء الثاني من قصة زكريا و كذلك هيتكلم عن قصة مريم اللي هي جزء من قصة زكريا ، تمام؟؟ و ربنا اصطفى جزء مريم من قصة زكريا و سمى بها هذه السورة ، فسماها مريم علشان يحضننا.. على العفة و على سد الفروج ، و سد ثغرات الشيطان التي تدخل إلى النفس البشرية ، فهذا معنى حفظ الفرج ، حفظ الفرج مش الفرج المعروف بس ، لأ ، كل الفروج المادية و المعنوية ، يعني كل الثغرات التي من الممكن أن يدخل إليها أو من خلالها الشيطان إلى الإنسان نَسُدَّهَا ، فدي مريم ، دي حالة مريم ، دي بنسُمِّيها الحالة المريمية و لذلك سُميت السورة بإسم مريم ليحضننا الله عز و جل على العفة ، و على إيه؟ الإعتكاف و على سد الثغرات و على العبادة و على الإخلاص و على الإحسان ، كل ده مريم ، كل ده إسمه مريم ، الحالة دي إسمها مريم ، الحالة المريمية ، و بعد لما تكمل الحالة المريمية ، توصل بعد كده لمرحلة الآيات ، اللي هي إسمها إيه؟ الحالة العيسوية ، زكريا هنا في الوجه ده ، عمل الحالة المريمية و جزاء الحالة المريمية دي ، ربنا إدالاه/أعطاه الحالة العيسوية ، إدالاه/أعطاه آية ، هنعرف دلوقتي إزاي ، طيب

نعرف المفتاح الأول ، إيه هو؟؟ نفصص/نُفصل المفتاح من خلال السر العظيم الذي وهبنا الله إياه و هو : أصوات كلمات القرآن الكريم ، (كهيعص) ده المفتاح ، كاف : أي أن الولي و التقى و المؤمن إنفك عن أوثان عصره و إنفك عن شبهات عصره و إنفك عن الملذات المُحرمة و إنفك عن السائد في عصره من المخالفات الشرعية ، فإنفك عنها ، هاء : تنبه إلى خطورة تلك الأمور ، هاء نَبَّه قومه إلى خطورة تلك الأمور ، كاف : إنفك عن الشرك ، هاء : تنبه بوحى الله عز و جل و نَبَّه قومه ، ياء : تموج في هذه الحالة ، الإنفكاك و القلق و التنبيه ، لأن الهاء تنبيه و قلق ، قلق ، متحري للحقيقة ، باحث عن الحقيقة ، فهو في حالة الهاء ، هاء : تنبيه ، يتنبه دائماً ، يقلق دائماً ، يبحث عن الحقيقة دائماً ، لأنه منفك عن السائد و عن النمط المنتشر في عصره ، و هو ثائر على الجاهلية ، الولي ثائر على جاهلية عصره و هو منفك عنها ، منعزل عنها ، معتكف عنها ، بعيد عنها ، مع أنه يعيش وسط قومه ، لكنه منفك عنهم إنفكاك معنوي و إنفكاك عَقْدِي ، كاف : إنفكاك عن الباطل و الشرك ، هاء : تنبيه لعقل ذلك الولي ، يتنبه للحقائق و يبحث عنها ، ياء : يتموج في هذه الحالة بإستمرار زي أمواج البحر كده ، مد و جزر ، وصل و قطع ، مد و جزر ، مَوَاج ، صبور ، بيفعل في صخور الشاطئ كما يفعل موج البحر ، ينحتها نحتاً ، يصبر ، يصبر على العين((صوت حرف العين)) : المعاناة ، معاناة في الوصول للحقيقة ، معاناة في تبليغ القوم ، إذاً هذا المفتاح يتكون من : كاف : إنفكاك عن الباطل ، هاء : تَنَبُّه و بحث عن الحقيقة و قلق ، ياء : تموُّج في هذه الحالة ، عين : الصبر على المعاناة و الإبتلاء و الألم ، كل ذلك يؤدي إلى صاد : الوصال بالله ، إذاً (كهيع) هي مريم ، هي الحالة المريمية ، (ص) هي الحالة العيسوية ، حالة الآيات ، إذاً (كهيع) هي حالة العفة و العبودية و الإعتكاف و سد

الفروج ، الحالة المريمية ، (كهيع) هي الحالة المريمية ،  
 (ص) صاد هي الحالة العيسوية ، أي حالة الآيات ، دور  
 الآيات بقى ، تجلي الآيات ، خلاص؟؟ ، كل مصطفى و كل  
 ولي هو عنده مريم و عنده عيسى في نفسه ، جواه/داخله ،  
 عنده حالة العفة و الإيه؟؟ و التوحيد و الإنفكاك عن  
 الجاهلية ، جاهلية عصره ، و التنبيه ، يتنبه و يبحث عن  
 الحقيقة و يقلق دائماً و يتقي ، تمام؟ لأن القلق تقوى ، و  
 التقوى إيه؟ قلق ، ها ، تجعل بينك و بين عذاب الله وقاية ،  
 كذلك إيه؟ بسبب إيه؟؟ الخوف من الله عز و جل ، أي القلق  
 ، و ياء : أي حالة مَوَاجَة مستمرة ناعمة ، روتين يومي  
 كموج البحر ، عين((صوت حرف العين)) : المعاناة و  
 اللوعة و اللعاعة ، هكذا يتعامل معها و يصبر عليها و  
 ينتصر عليها ، بعد ذلك يصل إلى صاد : الحالة العيسوية ،  
 حالة الآيات ، خلاص؟؟ طيب ، إذاً المفتاح ده هو تعبير  
 عن قصة زكريا ، و هو تعبير عن قصة يحيى ، و تعبير  
 عن قصة مريم و تعبير عن قصة عيسى ، لأن عيسى  
 مكش عيسى كده من يوم و ليلة!! لا ، مر بالمرحلة  
 المريمية الأول ، و بعد كده بقى إيه؟ دخل لمرحلة الآيات ،  
 فبقى إيه؟؟ بقى عيسى ، طيب .

{ذِكْرُ رَحْمَةِ رَبِّكَ عَبْدَهُ زَكَرِيَّا} :

(ذكر رحمة ربك عبده زكريا) إذاً هذا المفتاح هو ذكر من  
 إيه؟ أنكار رحمت الله عز و جل المُربي على عبد من  
 عباده ، حقق العبودية التامة لله عز و جل ، فبالتالي صار  
 زكريا ، أي زكى و تزكى و وجد رِيًّا و وجد رِيًّا ، وجد  
 رِيًّا و وجد رِيًّا لما أن زكى ، إذاً زكى هي دي مريم ، هي

دي الحالة المريمية ، هي (كهيع) رِيَا هي صاد ، هي الآيات ، هي الحالة العيسوية .

{إِذْ نَادَى رَبَّهُ نِدَاءً خَفِيًّا} :

(إِذْ نَادَى رَبَّهُ نِدَاءً خَفِيًّا) آآه ، نداء قلبي ، توجه قلبي ، و أعظم الدعاء هو الدعاء القلبي ، توجه إلى الله عز و جل بقابك ، تدعو الله عز و جل خفية بينك و بينه ، لأن الله يعلم السر و أخفى ، و يعلم ما في نفوسنا ، يعلم ما في أنفسنا و ما في ضمائرنا و ما في خواطرنا ، و لا نعلم ما في خاطره و ذاته ، (إِذْ نَادَى رَبَّهُ نِدَاءً خَفِيًّا) .

{قَالَ رَبِّ إِنِّي وَهَنَ الْعَظْمُ مِنِّي وَاشْتَعَلَ الرَّأْسُ شَيْبًا وَلَمْ أَكُن بِدُعَائِكَ رَبِّ شَقِيًّا} :

(قال رب إني وهن العظم مني) أنا كبرت في السن يا رب ، (و اشتعل الرأس شيباً) ظهر المشيب في رأسي ، (و لم أكن بدعائك رب شقياً) أنا مجرب دعائك ، و عارف إن أنا/إنني لما أدعيك ، لما أدعوك يا الله ، أنت تستجيب ، الله يستجيب ، إذا لم يشقى بدعاء ربه أبداً ، فهنا لما ، هنا لما بدأ يدعو ، بدأ إيه؟ يطلب الشفاعة بدعائه القديم ، يعني بعمل صالح ، تشفع لله عز و جل بعمل صالح ماض في حياته كي يقبل الله عز و جل دعائه الآن في هذه اللحظة .

{وَإِنِّي خِفْتُ الْمَوَالِيَ مِنْ وَرَائِي وَكَانَتِ امْرَأَتِي عَاقِرًا فَهَبْ لِي مِنْ لَدُنْكَ وَلِيًّا} :

(و إِنني خفت الموالى من ورائى) بيحكى لربنا قصة حياته ، إنه تعرض لإبتلاءات كتير و مطاردات من إيه؟ من الحكومات ، من الحكومة الرومانية اللى كانت وقتها ، بسبب وشايات أو بسبب أذى من الحكومة الظالمة ، (و إِنني خفت الموالى) الموالى اللى هم الحكام يعنى ، (من ورائى) ، (و كانت إمراةى عاقرا) طول عمرها لم تلد ، معنديش أبناء ، ف ده إيه؟ توجه إلى الله عز و جل بالدعاء ، إن هو/إنه بيظهر معاناته أمام الله عز و جل ، من ضمنها : خوف من الموالى و حياة القلق اللى كان فيها ، إنه مراته/زوجته ماكنتش بتخلف/تلد ، فبالتالى ده برضو معاناة ، أهو معاناة ، معاناة ، صبر عليها و لا لا؟؟؟؟ صبر ، تمام؟ ، بعدين بقى؟ (فهب لى من لدنك وليا) معظم الناس فاكرين إن الدعاء هنا ، يعنى إديني/أعطينى ولديا رب ، إديني/أعطينى ولد ، و الصحيح مش كده ، (فهب لى من لدنك وليا) يعنى تلميذ صالح زي يوشع بن نون كده ، تلميذ موسى : يوشع بن نون ، فهو قال له ، يقول لربنا (فهب لى من لدنك وليا) يعنى تلميذ صالح ، تلميذ صالح ، زي يوشع بن نون .

{يَرِثْنِي وَيَرِثْ مِنْ آلٍ يَعْقُوبَ وَاجْعَلْهُ رَبِّ رَضِيًّا} :

(يرثني و يرث من آل يعقوب) يرث الدعوة بتاعتي , يرث توحيد و دعوة آل يعقوب اللي بني اسرائيل (يعقوب ) ينسبوا اليه ، يبلغها للناس من بعدي ، (و اجعله رب رضى) يعني أنا أرضى عنه و يرضى عني و ترضى عنا جميعاً ، (و اجعله رب رضى) ، إذا الدعاء هنا كان إيه؟ بيدعو الله أن يهبه تلميذ صالح ، لأن هو/لأنه كان عنده مجموعة تلاميذ ، بس إيه؟ كان عاوز واحد صالح أوي ، مُخلص أوي ، يقدر يتحمل الخلافة و المسؤولية من بعده ، و يتحمل تبليغ دعوة زكريا من بعده ، ده كان دعاء زكريا ، مادعاش/لم يدعو بالولد على الفكرة ، ده دعى إن ربنا يهبه تلميذ صالح زي يوشع بن نون بس/فقط ، ربنا قال له إيه بقى؟؟ .

{يَا زَكَرِيَّا إِنَّا نُبَشِّرُكَ بِغُلَامٍ اسْمُهُ يَحْيَى لَمْ نَجْعَلْ لَهُ مِنْ قَبْلُ سَمِيًّا} :

ربنا قال له إيه بقى؟؟ (يا زكريا) طبعاً قال له بالوحي في الرؤيا أو بالكشف ، (يا زكريا إِنَّا نُبَشِّرُكَ بِغُلَامٍ اسْمُهُ يَحْيَى لَمْ نَجْعَلْ لَهُ مِنْ قَبْلُ سَمِيًّا) إنت مش دعيت إن يجيلك/يأتياك تلميذ صالح زي يوشع بن نون؟؟ تمام؟ أنا هديلك/سأعطيك ولد بقى ، هيكون تلميذك و هيكون مخلص لك ، (لم نجعل له من قبل سمياً) يعني مش هيبقى زي حد من تلاميذك ، هيبقى أحسن من أي تلميذ شفته في حياتك ، ده معناه كده ، مش ، مش ماكنش له مثيل من قبلي ، لا ، في وقته الراهن الحالي ، (لم نجعل له من قبل سمياً) يعني هيكون تلميذك بشكل لم تره في وقتك الحالي ، ليه بقى أنا بقول الكلام ده؟؟ لأن يحيى أصلاً هو مثيل إيليا و هو علامة عيسى ، لما

اليهود إعترضوا على عيسى و قالوا له : طب إيهه ، ملك بني إسرائيل ، اللي هو إنت المفروض يعني ، بتدعي إن إنت ملك بني إسرائيل ، علامته إنه هيجي/سيأتي قبله إيليا ، يعني هيبعث إيليا مرة ثانية ، فقال لهم ، شاورلهم/أشار لهم على يحيى و قال لهم : ها هو ذا إيليا ، يبقى له شبيهه قبل كده و لا لا؟؟؟ له أهو شبيهه ، لكن المعنى هنا ليس له سمياً ، يعني (لم نجعل له من قبل سمياً) يعني ليس له مثيل من تلاميذ الذين مروا عليك من قبل ، طيب البشرى دي معناها إيه؟؟ إن مراته/زوجته لسي هتحمل ، و إن الواد لسي هيتربى و يكبر و يبقى تلميذه ، يعني قول كمان فيها ٢٠ ، ٣٠ سنة كمان ، يبقى دي بشرى بإيه؟ بطول عمر زكريا كمان ، كمان السنوات دي كلها ، يعني دي بشرى مزودجة يعني ، فهتموا؟؟ طيب ، (يا زكريا إنا نبشرك بغلام اسمه يحيى لم نجعل له من قبل سمياً) مفيش مثيل له عدا/مر عليك من قبل في الوقت الراهن بتاعك ، بعد كده زكريا بيرد على ربنا و بيقول له إيه؟؟ .

{قَالَ رَبِّ أَنَّى يَكُونُ لِي غُلَامٌ وَكَانَتِ امْرَأَتِي عَاقِرًا وَقَدْ بَلَغْتُ مِنَ الْكِبَرِ عِتِيًّا} :

بعد كده زكريا بيرد على ربنا و بيقول له إيه؟؟ (قال رب أنى يكون لى غلام و كانت امرأتى عاقراً) يعني إزاي يكون عندي ابن و مرأتى/زوجتى مابتجبش أولاد ، يعني من زمان ، (و قد بلغت من الكبر عتياً) و أنا راجل كبير في السن ، فهنا ده إيه؟؟ بيتسائل ، بيتعجب ، بيتعجب من هذه الآية ، يحيى ده بالنسبة لزكريا آية ، يعني حالة

عيسوية ، ليه؟؟ لأن زكريا عايش الحالة المريمية ، صح؟؟  
طيب ، ربنا قال له إيه بقى؟؟؟ .

{قَالَ كَذَلِكَ قَالَ رَبُّكَ هُوَ عَلَيَّ هَيِّنٌ وَقَدْ خَلَقْتُكَ مِنْ قَبْلُ وَلَمْ  
تَكُ شَيْئًا} :

ربنا قال له إيه بقى؟؟؟ (قال كذلك قال ربك) ربنا قضى  
بهذا الأمر ، شمعة معنونة على الطريق مفصلة أو شمعة  
فيصلة على الطريق معنونة ، (قال كذلك قال ربك هو عليّ  
هين) شيء سهل ، (و قد خلقتك من قبل و لم تك شيئاً) أنا  
خلقتك يا زكريا من العدم قبل كده ، في حياة الدنيا و في  
عالم المثال وقت الميثاق ، فالله يصعب عليّ أدبك/أعطيك  
ولد؟؟؟؟!! لا طبعاً ، و بعد كده زكريا قال له إيه؟ ، قال لربنا

{قَالَ رَبِّ اجْعَلْ لِّي آيَةً قَالَ آيُتُكَ أَلَّا تُكَلِّمَ النَّاسَ ثَلَاثَ لَيَالٍ  
سَوِيًّا} :

و بعد كده زكريا قال له إيه؟ ، قال لربنا ، ده كان خطاب ،  
خطاب في الإيه؟؟ في الكشف ، زي ما كده إيه؟ معظم  
الأنبياء يبقى في بينهم و بين ربنا محادثات في الكشف ،  
تمام ؟ ، و المحادثات دي بتبقى محادثات تعليمية ،  
عشان/من أجل أن الناس تتعلم ، (قال رب اجعل لي آية)  
يعني إيه اجعل لي آية؟؟ ، (قال رب اجعل لي آية) يعني

إدبني/أعطيني أمانة أو علامة إمتى تتحقق آية يحيى أو الآية دي ، ربنا قال له إيه؟؟ (قال آيتك ألا تكلم الناس ثلاث ليال سوياً) آيتك ، العلامة بتاعتك ، علشان الآية دي تستوي ، آية يحيى تظهر و تستوي و تتحقق ، مش آية يحيى هي بُشرى أهي ، كانت بُشرى في الكشف أهو ، تتحقق إمتى؟؟ لما تستوي ، تستوي إزاي؟؟ تتحقق شروطها ، أعظم شروطها إيه؟؟ تحقيق الحالة المريمية ، إيه هي هنا؟؟ (قال آيتك ألا تكلم الناس ثلاث ليال سوياً) يعني تعتكف للعبادة ثلاث أيام ، في المحراب ، (قال آيتك) يعني إستواء الآية بتاعتك دي ، جزاءها إنك تعتكف ثلاث أيام ، قربانها إنك تعتكف ثلاث أيام ، التقدمة علشان تتحقق ، إعتكف ثلاث أيام في المسجد يعني ، خلاص؟ ، (قال آيتك ألا تكلم الناس ثلاث ليال سوياً) سوياً يعني إستواء ، لكي تستوي ، سوياً ، تكون في حالة إستواء علشان الآية يكتمل لها العَد الذي قدره الله عز و جل ، فتتحقق .

{فَخَرَجَ عَلَى قَوْمِهِ مِنَ الْمِحْرَابِ فَأَوْحَى إِلَيْهِمْ أَنْ سَبِّحُوا بُكْرَةً وَعَشِيًّا} :

(فخرج على قومه من المحراب) بعد الثلاث أيام خرج و ربنا بَشَّرُهُ بِإِكْتِمَالِ إِسْتِوَاءِ الْآيَةِ ، (فأوحى إليهم) قال لهم بشكل صافي و بشكل فيه بُشرى و بشكل فيه يقين ، (فأوحى إليهم) هو ده الوحي ، معنى الوحي يعني ، (أن سبّحوا بكرة و عشياً) قال لتلاميذه إيه؟؟ سبّحوا بكرة و عشياً ، يعني فيه آيه هتحصل ، (فأوحى إليهم أن سبّحوا بكرة و عشياً) فيه آيه هتحصل ، هنعرف الآية دي الوجه

القادم بأمر الله تعالى ، في حدّ عنده سؤال تاني؟؟ . ياالله/هيا ((ليقرأ مروان)).

○ و أثناء تصحيح نبي الله يوسف الثاني ﷺ لتلاوتنا ، قال لنا :

- خلي بالك ، ولياً ، اللي هو كان بيدعو بولي ، يصل درجة الولاية فيرثه في الخلافة في دعوته ، لكي إيه؟ يُعلم إيه؟ قومه و يُزكيهم و يتلو عليهم آيات الله و الحكمة ، حلو . و قال إيه تاني زكريا؟؟ (و إني خفت الموالى من ورائي) من ورائي اللي هم إيه؟ الملوك أو إيه؟ الحُكام , من ورائي ، زي قصة إيه؟ في سورة الكهف ، (و كان ورائهم ملكٌ يأخذ كل سفينة غصباً) دائماً كده ، معظم الملوك دائماً بيبقوا ظلمة ، فهنا عبر إيه عن الموالى : (من ورائي) زي في سورة الكهف ، عبر عن الملك إيه : (و كان ورائهم) يعني مُحيط بهم أو هيقابلهم أو هيحاول إيه؟ يأخذ أموالهم ، ده المعنى ، فكلمة وراء إرتبطت دائماً بإيه؟؟ بالملوك ، لأنهم من ال وراء ، ليسوا من الأمام ، لأنهم من الدنيا و ليسوا من السماء .

- (و قد بلغت من الكبر عتياً) أي عتّى زمان مكوثه في الدنيا ، يعني إزداد عن الطبيعي اللي كان موجود في عصره ، في عصره ، يعني كان مُعَمَّر ، زكريا كان مُعَمَّر ، (و قد بلغت من الكبر عتياً) تمام ، أي إيه؟؟ زاد عمره عما كان معروفاً في زمانه ، فهذا معنى كلمة (عتياً) .

- كذلك (فخرج على قومه من المحراب) اللي هو إيه؟؟ في الحالة المريمية إنت بتحارب الشيطان بكل جهدك ، صح؟؟ و بصبر ، و بتصبر على المعاناة و بتنفك عن الشرك و بتُنَبِّه قومك و بتُنَبِّه نفسك للطاعة و للتوحيد ،

صح؟؟ ف دي كل دي إيه؟؟؟ حرب ، (فخرج على قومه من المحراب) إذا كان هو معتكف في المحراب ، إذا الحالة المريمية هي حالة حرب مع الشيطان ، و الحالة العيسوية هي حالة إنتصار و ظهور للآيات ، و هكذا الإنسان في حياته ما بين مريم و عيسى ، ما بين المريمية و العيسوية ، ما بين العفة و الآيات ، الآيات بتجيب/بتأتي ب العفة ، و العفة بتجيب آيات في حلقة مستمرة ، في حلقة مستمرة .  
ياالله/هيا((ليقرأ أرسلان)).

- (و اجعله ربي رضى) يعني عنده رضا ، عنده قناعة ، عنده رضا و قناعة ، رضى ، راضى ، غير متمرّد ، يعني يوشع بن نون ، هو ده الرّضى ، التابع الرضى الذي يسمع و يُطيع مباشرة .

- يبقى آية هنا معناها علامة ، علامة ، إشارة ، و آية ممكن تيجي بمعنى إيه؟؟ معجزة و كرامة ، و آية ممكن تيجي بمعنى إيه؟ آية من القرآن يعني ، إذا تعددت معاني كلمة آية ، تمام كده؟؟ ، إذا عرفنا إن (كهيعص) هو مفتاح الآيات ، و مفتاح الإيه؟ المعجزات و مفتاح الكرامات ، تمام؟ هو المفتاح ، عبارة عن إيه؟؟ شقين ، الشق المريمي (كهيع) ، و بعد كده الشق العيسوي ، شق الآيات (ص) ، تمام؟؟ ، ياالله/هيا يا أسماء((لقراءة الوجه)).

- (بكرة) طبعاً ، يعني إيه؟؟ صباحاً ، (عشياً) يعني إيه؟؟ ليلاً ، يعني سبحوا الله باستمرار على تلك الآية التي ستحدث ، هكذا دائماً النبي بيخاطب إيه؟؟ المؤمنين ، و إيه؟؟ ببشرهم بالآيات ، ياالله/هيا يا أحمد((ليقرأ من هذا الوجه)).

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه  
و سلم ، سبحانك اللهم و بحمدك ، أشهد أن لا إله إلا أنت ،  
أستغفرك و أتوب إليك .

كهيعص

كهف / ياعين / ص

كاف هاء هي كهف

يا عين ( يا عين الحياة والحقيقة )

سيوصل ل ص وهي مرحلة الآيات والكرامات , كاف أي  
كاف يحميك ويحميك وكاف أي تستغني به عن الناس , كاف  
وتنبيه الهاء هو كهف الزمان وكهف المكان , كاف يحميك  
من العين ويعطيك عين الحياة , كهيعص هي مفتاح الحياة ,  
القلم هو أبو الفنون , والنبوة أعظم الفنون , وليس معنى  
أن النبوة هي أعظم الفنون أنها تأتي بتكلف وتصنع بل هي  
موهبة وعطية من الله تزداد نضارتها عبر السنين ولا تكون  
إلا من خلال مفتاح الحياة كهيعص ذي الجزئين المتناوبين  
باستمرار , الجزء المريمي كهيع , والجزء العيسوي ص ,

جزء العفة والاعتكاف الموصول لجزء الوصال والآيات  
هي حلقة متتالية ....

يوسف بن المسيح , مصر 26/1/2022 .

---

و الحمد لله رب العالمين . و صلّ يا ربي و سلم على  
أنبياءك الكرام محمد و أحمد و يوسف بن المسيح صلوات  
تلو صلوات طيبات مباركات ، و على أنبياء عهد محمد  
الآتين في مستقبل قرون السنين أجمعين . آمين . 🌿💙

## درس القرآن و تفسير الوجه الثاني من مريم .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الميم الساكنة , ثم قام بقراءة الوجه الثاني من أوجه سورة مريم ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثاني من أوجه سورة مريم ، و نبدأ بأحكام التلاوة و أحمد :

أحكام الميم الساكنة :

إدغام متمثلين صغير و هو إذا أتى بعد الميم الساكنة ميم أخرى فتدغم الميم الأولى في الثانية و تنطق ميماً واحدة .

و الإخفاء الشفوي و هو إذا أتى بعد الميم الساكنة حرف الباء و الحكم يقع على الميم أي الإخفاء يكون على الميم .

و الإظهار الشفوي و هو إذا أتى بعد الميم الساكنة جميع الحروف إلا الميم و الباء ، و الإظهار طبعاً سكون على الميم نفسها يعني الحُكم يقع على الميم .

و ثم تابع نبي الله يوسف الثاني ﷺ الجلسة بشرح الوجه لنا فقال :

طبعاً الوجه ده بيكمل إيه؟ جزء من قصة زكريا -عليه السلام- اللي هي تحقق البُشرى ، تحقق البُشرى ، إن هو ربنا أعطاه الولد ، أعطاه الولد في سن كبير ، و مراته/زوجته كانت عاقر ، و هو أصلاً في الأول كان دعى بتلميذ صالح ، لكن ربنا إداله/أعطاه أكثر من كده ، ابن هيكون هو التلميذ الصالح ، فايه؟؟ كان شيء عظيم جداً و آية عظيمة جداً ، و عرفنا تفاصيل بداية تحقق الآية دي في الوجه اللي فات ، و بعد كده ربنا ببيتدي بخطابه ليحيى مباشرة .

{يَا يَحْيَى خُذِ الْكِتَابَ بِقُوَّةٍ وَآتَيْنَاهُ الْحُكْمَ صَبِيًّا} :

(يا يحيى خذ الكتاب بقوة و آتيناه الحكم صبياً) هنا بيخاطب يحيى بيقوله : إخلف أبوك ، بعديها/بعدها بسنين ، لما كبروا و تعلم من أبوه ، قال له : إخلف أبوك يعني ، خذ الخلافة الروحية ، (يا يحيى خذ الكتاب بقوة) و بعد كده ربنا بيتكلم عن الماضي بتاع يحيى (و آتيناه الحكم صبياً) يعني من

هو صبي كده ، أد/قد حمادة مثلاً ، ربنا إداله/أعطاه الحكمة  
و إداله/أعطاه حُب الدين و حُب الإليه؟ الروحانيات .

{وَحَنَانًا مِّن لَّدُنَّا وَزَكَاةً وَكَانَ تَقِيًّا} :

(و حناناً من لدنا و زكاة و كان تقياً) ربنا إداله/أعطاه حنان  
، عاطفة يعني ، حسنة و رحمة ، و زكاة أي طاهرة و حُب  
الطهارة ، حُب التقوى ، و بالتالي كان تقياً ، عنده تقوى .

{وَبَرًّا بِوَالِدَيْهِ وَلَمْ يَكُنْ جَبَّارًا عَصِيًّا} :

(و براً بوالديه) كان بار بوالديه ، بأبويه ، والده زكريا و  
أمه ، اللي هي مين؟؟ أمه اللي هي أخت مريم ، تمام؟ ،  
طبعاً إحنا عارفين إن زكريا هو اللي كفل مريم و تعهدا و  
رباها ، تمام؟ و رباها تربية دينية ، تمام؟ ، فبالتالي هي  
مريم حياتها كلها هي جزء من سيرة حياة زكريا ، تمام  
كده؟ ، و زكريا له فضل عليها ، بعد ربنا سبحانه و تعالى  
في تربيتها و تقومها و إصلاحها و إرشادها ، تمام؟ ، (و  
براً بوالديه و لم يكن جباراً عصياً) ماكنش/لم يكن متكبر ،  
ماكنش عاصي .

{وَسَلَامٌ عَلَيْهِ يَوْمَ وُلِدَ وَيَوْمَ يَمُوتُ وَيَوْمَ يُبْعَثُ حَيًّا} :

(و سلام عليه) ربنا بيسلم عليه ، ببيدله/بيعطيه السلام ، (و سلام عليه يوم ولد و يوم يموت و يوم يبعث حياً) له السلام و الإطمئنان ، مهما صادف من ابتلاء أو آلام ، ف له الإطمئنان و له السلام ، هذا معنى الإيه؟ الحديث في الآية .

{وَإِذْ كُنَّا فِي الْكِتَابِ مَرْيَمَ إِذِ انْتَبَذَتْ مِنْ أَهْلِهَا مَكَانًا شَرْقِيًّا} :

(و اذكر في الكتاب مريم إذ انتبذت من أهلها مكاناً شرقياً) يا محمد ، أذكر لهم اللي أخبرتك به عن جزء من قصة مريم لما إبتدت في الحالة المريمية اللي هو الإيه؟ الإعتكاف و التقوى ، (و اذكر في الكتاب مريم إذ انتبذت من أهلها مكاناً شرقياً) اعتكفت في كهف جوا/داخل الجبل كده ، تمام؟ شرقي مدينة القدس ، (إذ انتبذت من أهلها مكاناً شرقياً) لأن الهيكل اللي كانوا بيتعبدوا فيه إلى الله عز و جل ، كان في القدس ، تمام؟ .

{فَاتَّخَذَتْ مِنْ دُونِهِمْ حِجَابًا فَأَرْسَلْنَا إِلَيْهَا رُوحَنَا فَتَمَثَّلَ لَهَا بَشَرًا سَوِيًّا} :

(فاتخذت من دونهم حجاباً) احتجبت عنهم و بدأت إيه؟ تعتكف و تتعبد إلى الله عز و جل ، (فاتخذت من دونهم حجاباً) و ده طبعاً بعد الفترة اللي كانت فيها في الهيكل ، هي كانت في الأول بتدرس في الهيكل تحت كفالة زكريا ،

و بعد كده لما كبرت شوية ، أخذت إيه؟ فترة ، فترة من الخلوة زي ما كان النبي محمد ﷺ بيعمل في غار حراء كده ، يروح يعتكف مثلاً شهر ، و غالباً كان بيبقى شهر رمضان يعني ، يعتكف في غار حراء ، فكانت دي سنة ، تمام؟ عند إيه؟ بني إسرائيل ، اللي هم ذرية يعقوب ، من آل يعقوب يعني ، الموحدين ، (و اذكر في الكتاب مريم) أي في الرسالة ، في الرسالة الإلهية؟ اللي أوحينا لك بها ، (و اذكر في الكتاب مريم إذ انتبذت من أهلها مكاناً شرقياً ٢٥ فاتخذت من دونهم حجاباً) اعتكفت يعني ، إعتكاف أهو زي ما إيه؟؟ زكريا إعتكف ثلاث أيام ، و بعد كده ربنا نضجله/أنضج له و سواه/سوى له البشرى و الآية ، اللي هي إيه؟ يحيى -عليه السلام- ، ف هي راحت ماكنتش/لم تكن تقصد ، بس هي كانت رايحة إعتكاف عادي ، زي ما إحنا بنعتكف في رمضان كده مثلاً ، (فاتخذت من دونهم حجاباً فأرسلنا إليها روحنا) جبرائيل -عليه السلام- ، (روحنا) هو جبرائيل ، (فتمثل لها بشراً سوياً) عارفين إن الملائكة بتتمثل في صور شتى ، من ضمن الصور دي إيه؟ الصور البشرية ، (فتمثل لها بشراً سوياً) يعني بشراً كاملاً تام الخلقة ، حسن الخلقة .

{قَالَتْ إِنِّي أَعُوذُ بِالرَّحْمَنِ مِنْكَ إِنْ كُنْتَ تَقِيًّا} :

(قالت إني أعوذ بالرحمن منك إن كنت تقياً) كانت جوا/داخل الكهف كده و فجأة ظهر الملاك في صورة بشر ، (قالت إني أعوذ بالرحمن منك إن كنت تقياً) الآية دي لها معنيين : بتقول له إيه؟ (قالت إني أعوذ بالرحمن منك) يعني اكفيني شرك إذا كنت تقى (إن كنت تقياً) ، اكفيني

شرك بإيه؟ بحق إسم الله الرحمن ، اللي هو إيه؟ مليء بالرحمات ، الذي يرحم البار و الفاجر ، لأن الرحمن هو الذي يفيض بالرحمة على كافة الخلق ، أما الرحيم فهو الذي يُفيض بالرحمة على المؤمنين فقط ، فاستعازت بإسم الله الرحمن ، (قالت إني أعوذ بالرحمن منك) يعني اكفيني شرك ببركة إسم الله الرحمن ، و كمان معناها إيه؟ (إني أعوذ بالرحمن منك إن كنت تقياً) يعني أعوذ بالرحمن منك إذا كنت تقى و بعد كده عصيت ربنا ، لأن اللي كان تقى و عصى ربنا ، ببقى إيه؟ أشد من العاصي من الأول ، من مبدئه، تمام؟ يكون أشد عصيان و العياذ بالله ، (قالت إني أعوذ بالرحمن منك إن كنت تقياً) يعني اكفيني شرك بحق تقواك و بحق إسم الله الرحمن أو أعوذ بالرحمن من شرك إذا كنت تقى و بعد كده إيه؟ عصيت ربنا ، تمام؟ إذا كنت مثلاً من رجال المعبد المؤمنين و بعد كده عصيت ربنا ، إنت كده بتبقى أشد عصيان و العياذ بالله ، طيب .

{قَالَ إِنَّمَا أَنَا رَسُولُ رَبِّكِ لِأَهَبَ لَكِ غُلَامًا زَكِيًّا} :

(قال إنما أنا رسول ربك لأهب لك غلاماً زكياً) كشف ، قال لها أنا إيه؟ الملاك ، رسول الله جبرائيل ، ربنا أمرني إن أنا/أنني أنفخ فيك نفخة بركة من الرحمن سبحانه و تعالى ، فيتولد داخلك ثمرة هي ولد ، من غير زواج ، من غير رجل ، و دي زمان يعني إيه؟ نقول مثلاً من ٣٠ ألف سنة ، كان ممكن في تطور الإنسان ، الأنثى يتولد داخلها إيه؟ كائن حي ، ممكن يكون مكتمل و ممكن يكون غير مكتمل ، لأن إحنا بنشاهد الأمر ده في الكائنات الحية ، في كائنات حية بتبقى خنثة ، يتولد المولود داخل الأنثى بدون حاجة

إلى رجل أو ذكر ، ف ده كان فترة من فترات تكاثر الإنسان ، و كانت إيه؟ إما أن يكتمل إيه؟ الولد أو لا يكتمل ، فربنا أراد من الأمر ده آية ، آية لبني إسرائيل ، عشان يقول لهم إنتهت النبوة فيكم يا بني إسرائيل ، و قطعت النبوة فيكم و جبتلكم نبي من أنثى ، من أنثى بس/فقط ، يعني نَسَبه مقطوع من ناحية الأب ، لكن من ناحية أمه إيه؟ متصل ، عشان ربنا يقول لهم إيه؟ إشارة خفية و باطنة ، يقول لهم إيه؟ إنتهت النبوة فيكم و هندية/سنُعطيها لأمة تعمل أثمار ، بني إسماعيل بقى ، خلاص ، بني إسماعيل هم اللي هيشيلوا/سيحملوا الرسالة و شايلنها/حاملينها لغاية دلوقتي بفضل الله عز و جل ، عشان كده اليهود و النصارى بيغيروا من المسلمين ، و بيحسدوا المسلمين على النعم اللي ربنا إداها/أعطانا إياها ، و النبوة في العالم هي في أمة الإسلام بس لغاية قيام الساعة ، و أنا بأقولكو/أقول لكم إلى قيام ، قيام الكبرى و قيام الساعة ، النبوة في أمة الإسلام فقط ، لا غيرها ، مفيش أي أمة من أمم العالم دلوقتي و لا دين من الأديان حي ، إلا دين الإسلام ، إلا دين محمد ﷺ ، تمام؟ و ربنا بيبعت/يبعث مجددين لدين الإسلام ، كل ١٠٠ سنة ربنا بيبعت مجدد ، أعظم مجدد حصل في تاريخ الإسلام هو الإمام المهدي ميرزا غلام أحمد القادياني ﷺ و هو بَشَّرَ بالمجدد اللي بعده : يوسف بن المسيح و هو أنا الذي أحدثكم ، تمام؟؟ إذاً هذه نعمة من الله عز و جل أن قطع النبوة عن بني إسرائيل بولادة عيسى بدون أب ، و هي ولادة طاهرة ، حمل طاهر بأمر من الله عز و جل ، مين اللي دبر الحمل ده؟ الملاك جبرائيل بنفسه ، صِدِّيقُونَ ، آئل ، ملاك الوحي ، ملاك الرؤيا ، كلها تلك هي أسماء جبرائيل ، تمام؟ .

{قَالَتْ أَنَّى يَكُونُ لِي غُلَامٌ وَلَمْ يَمْسَسْنِي بَشَرٌ وَلَمْ أَكُ بَغِيًّا} :

(قالت أنى يكون لي غلام ولم يمسسني بشر ولم أك بغياً) ، (قال إنما أنا رسول ربك لأهب لك غلاماً زكياً) طفل إيه؟ متزكي ، زكي طاهر ، بار ، (قالت أنى يكون لي غلام ولم يمسسني بشر ولم أك بغياً) يعني ماتجوزتش/لم أتزوج و أنا أصلاً مش بغية ، يعني مش زانية و العياذ بالله .

{قَالَ كَذَلِكَ قَالَ رَبُّكَ هُوَ عَلَيَّ هَيِّنٌ وَلِنَجْعَلَهُ آيَةً لِلنَّاسِ وَرَحْمَةً مِنَّا وَكَانَ أَمْرًا مَّقْضِيًّا} :

(قال كذلك قال ربك هو عليّ هين) هين على ربنا ، لأن ربنا بيخلق من العدم ، تمام؟ و ربنا إيه؟ لا يُغَيِّرُ سُنَّتَهُ ، دي سُنَّة من سنن التكاثر ، ولكنه يخرق عادته لمن خرق له عادته ، و دي مريم المتزكية الطاهرة المقدسة القديسة المعتكفة ، ذات الصفات المريمية ، تمام؟ التي مرت و أبحرت في بحر كلمات الله ، فلذلك سُميت مريم ، ((كلمة مريم من أصوات الكلمات)) لأن اليم يعني البحر ، و مر أي مَرَّ و أبحر و طاف في كلمات الله ، مريم : أي مرت بكلمات الله سبحانه و تعالى ، (قال كذلك قال ربك هو عليّ هين و لنجعله آية للناس و رحمة منّا و كان أمراً مقضياً) أمر مقضياً يعني؟؟ ها؟؟؟ قدر مبرم و إيه ثاني إسمها ، بنسُميها إيه؟؟ شمة فيصلة على الطريق معنونة ، يعني قدر مبرم هيحصل هيحصل ، (قال كذلك قال ربك هو عليّ هين و لنجعله آية للناس) يكون آية و ختام لنبوة بني إسرائيل ، (و رحمة منّا) يأتي بالرحمة و لن يأتي بإيه؟

بالعنف أو الجلالة.... ، سيأتي بالرحمة و المحبة ، نبي جمالي ، (قال كذلك قال ربك هو عليّ هين و لنجعله آية للناس و رحمة مئاً و كان أمراً مقضياً) . فلما أن حققت مريم الحالة المريمية من العفة و الطهارة و الاعتكاف و سد الفروج اي ثغرات الشيطان اعطاها الله الحالة العيسوية اي حالة الآيات و كان اعظم آياتها هو ولادة عيسى , و قد كانت لها آيات أخرى غيره . من قبل و من بعد .

{فَحَمَلَتْهُ فَانْتَبَذَتْ بِهِ مَكَانًا قَصِيًّا} :

في الحال و الوقت : (فحملته) مباشرة ، بدأ يتخلق في إيه؟ في الرحم بتاع مريم ، (فحملته فانتبذت به مكاناً قصياً) طبعاً الملائكة دول/هذه مدبرات ، ربنا بيبعثهم مدبرات في الكون ، أي شيء ربنا بيدبره من خلال المصروفات و المدبرات ، الملائكة ، ربنا بعث لها جبريل نفسه ، ملاك الوحي العظيم هو اللي يدبر لها الحمل ده في إيه؟ في رحمها ، فحصلت طفرة في البويضة عندها ، فايه؟ تخلق منها ولد . و هذه نسميها في علم الطب بالبارثينوجينيسز ( parthenogenesis ) ، (فحملته فانتبذت به مكاناً قصياً) أول ما حملت ، هربت ، راحت بعيد عن الإيه؟ عن المكان اللي كانت معتكفة فيه ، كانت معتكفة في جبل منطقة شرقية ، شرق القدس ، تمام؟ ممكن يكون جبل نيبو و الله أعلم ، لا أدري ، هو الجبل اللي وقف عليه إيه؟ موسى و نظر إلى فلسطين ، لكنه لم يدخلها بأمر من الله عز و جل ، لأنه كان غاضب و كثير الغضب ، فربنا منعه يدخل فلسطين ، و كذلك منع هارون يدخل فلسطين عشان الشرك الذي وقع فيه ، في التهاون الذي وقع فيه ، في فتنة العجل ، مين اللي

دخل؟؟؟ يوشع بن نون، تمام؟ و المتقين من بني إسرائيل ، بعد ما تربوا و تزكوا و تطهروا ، بعد أن إيه؟ تمت تربيتهم على عين الله ، و تزكوا و تطهروا ، استحقوا يدخلوا الأرض المقدسة فعبروا نهر الأردن و إيه؟ مكثوا في فلسطين ، الأرض المقدسة المباركة ، التي هي ميزان و معيار صلاح الأمم ، (فحملته فانتبذت به مكاناً قصياً) قصياً يعني بعيد ، من أقصى ، من الأقصى يعني ، مكان بعيد ، مسافته بعيدة عنهم ، عشان ماحدش يلاحظ ، تمام؟ ، إيه ، إيه؟ الحالة اللي بتبقى فيها مدة تسعة شهور ، تمام؟ طيب ، (فحملته فانتبذت به مكاناً قصياً) .

{فَأَجَاءَهَا الْمَخَاضُ إِلَى جِذْعِ النَّخْلَةِ قَالَتْ يَا لَيْتَنِي مِتُّ قَبْلَ هَذَا وَكُنْتُ نَسِيًّا مَّنْسِيًّا} :

(فأجاءها المخاض إلى جذع النخلة) كده مرت تسعة شهور ، (فأجاءها المخاض إلى جذع النخلة قالت يا ليتني مت قبل هذا و كنت نسياً منسياً) جات/أتت لحظة الحقيقة بقي ، هينزل منها الولد و هتبقى إيه؟ كرب عظيم بالنسبة لها ، مش عارفة تواجه العالم إزاي ، إزاي تواجه العالم بالأمر ده؟؟؟؟ ، تمام؟ ، (فأجاءها المخاض) يعني الولادة ، بداية الولادة ، اللي هي طلق الولادة ، ألم الولادة ، (إلى جذع النخلة) كانت جمب/جنب إيه؟ جذع نخلة كده ، (قالت يا ليتني مت قبل هذا و كنت نسياً منسياً) كانت بتضم النخلة كده و تتألم ، و تمنيت إن هي كانت ماتت قبل اللحظة دي ، أو كانت نسي منسياً ، محدش يعرف عنها حاجة ، إيه اللي حصل بقي؟ فغفت ، نامت ، نامت عادي ، و رأت في الكشف إيه بقي؟؟ .

{فَنَادَاهَا مِنْ تَحْتِهَا أَلَّا تَحْزَنِي قَدْ جَعَلَ رَبُّكِ تَحْتَكِ سَرِيًّا} :

و رأت في الكشف إليه بقى؟؟ (فناداها من تحتها ألا تحزني قد جعل ربك تحتك سرياً) عيسى بكلمها في الكشف ، في الرؤيا ، ربنا خلى/جعل الطفل يكلمها في الرؤيا ، (فناداها من تحتها) هو كده نازل ، في الكشف كلمها ، شافت رؤيا إن ابنها بيكلمها ، (فناداها من تحتها ألا تحزني) ماتزعلش يا ماما (قد جعل ربك تحتك سرياً) هتولدينى عند إيه؟ عند جذع النخلة و هتنزلي إيه؟ تغتسلي في السري في الجدول اللي تحت الجبل ده ، في الوادي ، إنت على تبة... كده ، و إيه؟ في وادي تحت ، فيه سري ، و السري كلمة سريانية معناها جدول أو نهر صغير ، القرآن مليء بالكلمات السريانية المعبدة التي نُطقت باللغة العربية ، خلو بالكو يعني ، (فناداها من تحتها ألا تحزني قد جعل ربك تحتك سرياً) ، و قال لها إيه ثاني بقى؟ .

{وَهْزِي إِلَيْكَ بِجُذْعِ النَّخْلَةِ تُسَاقِطُ عَلَيْكَ رُطْبًا جَنِيًّا} :

و قال لها إيه ثاني بقى؟ (و هزي إليك بجذع) خبطي على النخلة اللي إنت أفشة/متمسكة فيها دي ، اللي إنت ماسكة فيها جامد ، (و هزي إليك بجذع النخلة تساقط عليك رطباً جنياً) هينزل لك رطب مستوي ، و الرطب في علم الطب

عندنا بيسخن طلق الولادة ، مناسب جداً للإيه؟ للحامل اللي هتولد ، بيخلي/بيجعل الرحم ينقبض بقوة و يسهل الولادة ، فشفتوا؟؟ سبحانه الله ، أسباب ، ربنا إدالها/أعطاها الأسباب ، يبقى ربنا خلى/جعل إبنها يكلمها ، خلى/جعل إبنها يكلمها في الكشف و يقول لها : ماتزعلش يا ماما ، عشان يثبت فؤادها ، بعد ما تولديني (قد جعل ربك تحتك سريراً) ماتخافيش ، تنزلي تغتسلي في الإيه؟ الجدول اللي تحت ده و تنظفيني من الشمع اللي هيبقى عليّ يعني ، (و هزي إليك بجذع النخلة تساقط عليك رطباً جنياً) كُلي من التمر ده عشان طلق الولادة إيه؟ يشد و تولديني بسهولة بأمر الله و تتقوي و تتغذي من هذا التمر ، تمام؟ ، هنعرف بقية القصة في الوجه القادم إن شاء الله ، حد عنده أي سؤال ثاني؟؟ .

○ و أثناء تصحيح نبي الله يوسف الثاني ﷺ لتلاوتنا ، قال لنا :

- طبعاً الآية معناها إن عيسى إتولد في شهر أغسطس ، في الحر ، لأن الرطب الجني بينزل في شهر أغسطس ، و ده أقرب إيه؟ التواريخ لولادته ، و كمان بسبب إنه ولد في العام أو في الشهر سُمي فيه أغسطس إيه؟ قيصر ، الإمبراطورية الرومانية ، تمام؟ و سُمي أو سمى الشهر الذي إعتلى فيه العرش بإسمه ، ولادة عيسى كانت إمتى؟ في شهر أغسطس ، تمام؟ و العرافين اللي في الدولة الرومانية عرفوا إنه في ولد أو في مولود له شأن عظيم جداً إتولد ، تمام؟ و كذلك إيه؟ مجموعة من الفرس ذهبوا لبيحثوا عن إيه؟ ذلك المولود لأنه ظهر نجم في السماء يدل على ولادة مولود له شأن عظيم ، تمام؟ ، حاول أغسطس إن



هو/أنه إيه؟ يبطش بهذا الولد ، هنعرف بقى القصة إن شاء الله ، الوجه القادم بالتفصيل يعني ، حاول إن هو/إنه يبطش بهذا الولد ، فربنا أوحى ليوسف النجار اللي هو كان خطيب مريم و بعد كده إيه؟ تزوجها ، تمام؟ بعد ولادة عيسى ، أوحى له بالرؤيا ، إن هو ياخذ/ياخذ الولد و أمه و انزلوا على مصر ، تمام؟ ياخذ الولد و أمه على مصر و نزلوا على مصر ، طبعاً مريم بعد كده اتجوزت يوسف النجار دوت/ده اللي هو كان قريبها ، قريبها ، كان راجل كبير في السن بس/لكن تجوزها/تزوجها ، و خلفت/أنجبت إخوان لعيسى بشكل طبيعي يعني بعد كده ، هنعرف إن شاء الله التفاصيل المرة الجاية بأمر الله تعالى ، تمام؟ ، إذا عرفنا إيه؟ ولادة عيسى كانت في شهر أغسطس ، في الحر ، مش في الثلج/الثلج زي ما يقولوا النصارى المحرفين لدين الله عز و جل ، تمام؟ إذا القرآن مهيم ، القرآن هو المهيم ، هو المرجع ، هو إيه؟ هو المرجع و الأساس و المعيار اللي إحنا بنوزن عليه أي معلومة ، تمام؟ .

- - (فأجاءها المخاض) يعني اضطرها المخاض إنها تروح جذع النخلة ، تروح تمسك في جذع النخلة ، إيه؟ من شدة الألم ، (فأجاءها المخاض إلى جذع النخلة) يعني المخاض و آلام الولادة هي اللي ألجتها لجذع النخلة دي ، تروح تمسك فيها من شدة الألم يعني ، بس ، هو ده المعنى يعني ، تمام؟ ، بالله/هيا((ليُكمل إرسال تلاوته)).

- طبعاً (انتبذت) يعني نبذت أحوال قومها ، تمام؟ ، نبذت ، لأن هم/لأنهم كانوا عصاة ، كانوا مُحرفين لدين الله عز و جل ، و كان قليل منهم التقى ، تمام؟ و كانوا بيعترضوا دائماً على الأنبياء و بيتعجبوا الأنبياء معهم ، (فانتبذت من أهلها مكاناً شرقياً) نبذتهم يعني ، إيه؟ و ذهبت للإعتكاف ، لكي تخلص أكبر قدر بالله عز و جل .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبيائك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

## درس القرآن و تفسير الوجه الثالث من مريم .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ صفات الحروف , ثم قام بقراءة الوجه الثالث من أوجه سورة مريم ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثالث من أوجه سورة مريم ، و نبدأ بأحكام التلاوة و مروان :

صفات الحروف :

القلقلة : حروفها مجموعة في (قطب جد) .

الهمس : حروفه مجموعة في (حثة شخص فسكت) .

التفخيم : حروفه مجموعة في (خص ضغط قظ) .

اللام : تفخم و ترقق : إذا كان ما قبلها مفتوح و مضموم  
تفخم , و إذا كان ما قبلها مكسور ترقق , و كذلك الراء  
تفخم و ترقق و ممنوع التكرار .

التفشي : حرفه الشين .

الصفير : حروفه (الصاد , الزين , السين) .

النون و الميم المشدتين تمد بمقدار حركتين .

أنواع الهمزة : همزة وصل , همزة قطع , همزة المد .

الغنة : صوت يخرج من الأنف .

و ثم تابع نبي الله يوسف الثاني ﷺ الجلسة بشرح الوجه لنا  
فقال :

طيب ، هنا في بداية الوجه ده تكملة/إكمال كلام عيسى -  
عليه السلام- لمامته/أمه في الإيه؟ في الكشف اللي شافته  
قبل ما تولده ، كانت بين النوم و اليقظة كده من كتر الإجهاد  
، فايه؟ كلمها في الكشف ، ربنا خلاه/جعله يتمثل في الرؤيا  
و يكلمها ، روحه اللي كلمتها يعني ، اللي كلمتها ، روحه  
اللي كلمتها .

{فَكُلِّي وَاشْرَبِي وَقَرِّي عَيْنًا فَأَمَّا تَرِينِ مِنَ الْبَشَرِ أَحَدًا فَقُولِي  
إِنِّي نَذَرْتُ لِلرَّحْمَنِ صَوْمًا فَلَنْ أُكَلِّمَ الْيَوْمَ إِنْسِيًّا} :

(فكلي و اشربي) بيقول لها : كُلي و اشربي و قري عيناً ،  
كُلي من التمر أو من ثمار النخيل اللي هتنزل عليك دلوقتي

، من جذع النخلة اللي إنت تمسكتي فيها ، و اشربي بعد كده  
 من السّري اللي تحت ، تمام؟ اللي هو الجدول اللي تحت ،  
 اللي فيه الماء ، (و قري عينا) يعني إيه؟ اطمني ، ماتقلقيش  
 ، لأنه هو قال لها إيه؟ (فناداها من تحتها ألا تحزني قد جعل  
 ربك تحتك سرياً ٥ و هزي إليك بجذع النخلة تساقط عليك  
 رطباً جنياً) تمام؟ رطب إيه؟ مستوي حلو ، في شهر  
 أغسطس ، دلوقتي قال لها إيه؟ (فكلي و اشربي و قري  
 عينا فإما ترين من البشر أحداً) إيه؟ قال لها الحُجة و  
 المخرج اللي تقوله و هي راجعة في طريقها لإيه؟ للقدس ،  
 الناس هتسألها ، تمام؟ عشان تتطمئن فقال لها تعمل إيه بقي  
 ، (فقولي إني نذرت للرحمن صوماً فلن أكلم اليوم إنسياً)  
 يعني كان عندهم إشارة ، بني إسرائيل ، على صوم الكلام ،  
 أول ما تعمل الإشارة دي ، الناس تعرف إن هي مانتكلمش  
 معك ، لأن إنت إيه؟ ناذر أو إيه؟ أو مقرر الصوم في هذا  
 اليوم لله ، صوم عن الكلام ، كما أن هناك صوم عن الأكل  
 و الشرب ، فالصوم أنواع ، تمام؟ و دي كانوا بيتعبدوا بها  
 ، إن هم/إنهم مثلاً يحطوا/يضعوا يوم أو اثنين أو ثلاثة  
 يصوموا عن الكلام ، يعتكفوا يعني ، يعني يزودوا الحالة  
 المريمية ، تمام؟ حلو أوي ، (فإما ترين من البشر أحداً  
 فقولي إني نذرت للرحمن صوماً فلن أكلم اليوم إنسياً)  
 محدش/لا أحد يتكلم معي ، فكدّه تبقى ماشية مطمئنة و هي  
 راجعة للقدس .

{فَأَتَتْ بِهِ قَوْمَهَا تَحْمِلُهُ قَالُوا يَا مَرْيَمُ لَقَدْ جِئْتِ شَيْئًا فَرِيًّا :

(فأتت به قومها تحمله) دخلت المدينة و هي تحمل إيه؟  
 عيسى ، تمام؟ ، (قالوا يا مريم لقد جئت شيئاً فرياً) إيه ده؟

الولد ده جاه/أتى منين/من أين؟؟؟ ، (قالوا يا مريم لقد جئت شيئاً فرياً) شيئاً فرياً يعني شيئاً عظيماً ، تمام؟ شيئاً عظيماً يقطع الإيه؟ البر و يفريه و يفُرمه ، شيئاً فرياً ، شيئاً عظيماً أي إثمًا عظيماً ، فرياً ، لذلك إيه؟ بنقول عن الكذب العظيم : فريّة ، لأن الكذب يُهلك الذنوب ، و الكذب يُهلك الإيمان ، و الكذب هو شرك ، فبالتالي إيه؟ يفري الإيمان أي يطحنه و يدوسه و يُباليه و يُهلكه ، فهذا فعل الإثم في الإيمان ، فلذلك قالوا لها (لقد جئت شيئاً فرياً) إثم عظيم و كبيرة من الكبائر ، تمام؟ .

{يَا أُخْتَ هَارُونَ مَا كَانَ أَبُوكِ امْرَأَ سَوْءٍ وَمَا كَانَتْ أُمُّكَ بَغِيًّا} :

(يا أخت هارون) بيذكروها بإسمها اللي تسمت عليه ، تسمت على إسم إيه؟ مريم الإيه؟ أخت هارون و موسى ، اللي هي ناصرت إيه؟ موسى ، و إيه؟ كانت وافقة في ظهره مشجعه/تشجعه ، (يا أخت هارون ما كان أبوك امراً سوء) أبوك ماكنش/لم يكن إنسان آثم أو عاصي ، كان إنسان تقى و نقي ، (و ما كانت أمك بغياً) و كذلك أمك إنسانة طاهرة ، مش بغيّة ، مش زانية ، أمك طاهرة ، فإيه اللي إنتِ عملتيه ده؟؟؟ الولد ده جاه/أتى منين/من أين؟؟؟ .

{فَأَشَارَتْ إِلَيْهِ قَالُوا كَيْفَ نُكَلِّمُ مَنْ كَانَ فِي الْمَهْدِ صَبِيًّا} :

طبعاً عيسى كلمها في الكشف ، صح؟؟ فهي قالت إليه؟  
(فأشارت إليه) شاورت/أشارت على الواد/الولد ، لأنه كلمها  
في الكشف ، ف هم استغربوا (قالوا كيف نكلم من كان في  
المهد صبياً) نكلم العيل الصغير اللي لسي مولود ده؟؟؟  
إزاي؟؟؟ إزاي؟؟؟ .

{قَالَ إِنِّي عَبْدُ اللَّهِ آتَانِيَ الْكِتَابَ وَجَعَلَنِي نَبِيًّا} :

هحصل إليه بقى؟ في الليلة دي ، ربنا بعث/بعث روح  
عيسى تتمثل في الكشف لعدد من بني إسرائيل في القدس ،  
و ظهر لهم في الكشف في الرؤيا ، في السحر ، (قال إني  
عبد الله) لهم كلهم ، ف دي كانت آية من آيات مريم كمان ،  
صح؟ ، (قال إني عبد الله) مش الله ، عبد الله ، (آتاني  
الكتاب) إداني/أعطاني الرسالة ، (و جعلني نبياً) في  
المستقبل ، يحصل ، ربنا اختارني .

{وَجَعَلَنِي مُبَارَكًا أَيْنَ مَا كُنْتُ وَأَوْصَانِي بِالصَّلَاةِ وَالزَّكَاةِ مَا  
دُمْتُ حَيًّا} :

(و جعلني مباركاً أين ما كنت) إداني البركة في كل مكان  
أحل فيه ، (و أوصاني بالصلاة و الزكاة ما دمت حياً)  
أصلي و اتزكى طالما أنا حي في هذه الأرض و في هذه  
الدنيا ، و قال لهم إيه تاني؟ .

{وَبَرًّا بِوَالِدَتِي وَلَمْ يَجْعَلْنِي جَبَّارًا شَقِيًّا} :

و قال لهم إيه تاني؟ (و برأ بوالدتي) أنا بار بأمي ، (و لم يجعلني جباراً شقياً) يعني لن أكون عاصي و لن أكون شقي ، هكذا أراد الله ، هو يقول لهم ، بيكلهم .

{وَالسَّلَامُ عَلَيَّ يَوْمَ وُلِدْتُ وَيَوْمَ أَمُوتُ وَيَوْمَ أُبْعَثُ حَيًّا} :

(و السلام عليّ يوم ولدت) يعني ولادة طاهرة ، (و يوم أموت و يوم أبعث حياً) سلام و إطمئنان وقت ولادتي و وقت موتي و يوم بعثي في اليوم الآخر ، يوم القيامة ، بعد كده ، ربنا يقول إيه؟ .

{ذَلِكَ عِيسَى ابْنُ مَرْيَمَ قَوْلَ الْحَقِّ الَّذِي فِيهِ يَمْتَرُونَ} :

بعد كده ، ربنا يقول إيه؟ (ذلك عيسى ابن مريم قول الحق الذي فيه يمترون) هو ده عيسى عدي ، و النبي اللي أنا باعته/بعثته للدنيا ، و هو ده الكلام الحق اللي النصارى بيشكوا فيه أو حرفوه عن الصراط المستقيم ، بيتجادلوا فيه ، (ذلك عيسى ابن مريم قول الحق الذي فيه يمترون) كل الكلام اللي فات ده هو الحق ، هي دي حقيقة عيسى ، (الذي فيه يمترون) أي إيه؟ يتجادلون ، شيع و أحزاب ،

أحزاب تقول لا ده نبي ، زي المسلمين ما بيقلوا إن المسلمين هي إيه؟ فرقة ، الفرقة الناجية من الإيه؟ من اليهود المسيحيين ، الفرقة الإيونية ، ربنا أنزل عليها الشريعة على لسان محمد ﷺ لأته هو مثيل موسى ، صح؟؟ و بالتالي إحنا العقيدة الصحيحة ، و الباقية/الباقين هم مشركين ، زي دلوقتي/الآن مين العقيدة الصحيحة؟؟ الأحمديين اليوسفيين ، أتباع الإمام المهدي ، و باقي المسلمين إيه؟ مشركين ، مشركين ، عندهم شرك خفي أو شرك ظاهر ، في منهم المشركين شرك ظاهر : بيتمسحوا بالقبور و يبسجدوا للقبور ، دول/هؤلاء عندهم شرك كبير ، و في بقى معظم المسلمين إلا من رحم ربي ، عندهم شرك خفي ، تمام؟ اللي هو إيه؟ تكذيب الإمام المهدي ، ده أعظم شرك ، صح كده؟ طيب .

{مَا كَانَ لِلَّهِ أَنْ يَتَّخِذَ مِنْ وَلَدٍ سُبْحَانَهُ إِذَا قُضِيَ أَمْرًا فَإِنَّمَا يَقُولُ لَهُ كُنْ فَيَكُونُ} :

(و براً بوالدتي و لم يجعلني جباراً شقيماً ✕ و السلام علي يوم ولدت و يوم أموت و يوم أبعث حياً ✕ ذلك عيسى ابن مريم قول الحق الذي فيه يمترون ✕ ما كان لله أن يتخذ من ولد) ربنا مش محتاج يتخذ ولد ، يتعكز عليه أو يتسند عليه ، أبداً ، لأن ربنا هو الصمد ، الصامد بذاته ، الصمد أي الصامد بذاته ، الذي لا يحتاج إلى أحد ، (سبحانه) تنزيهه لله عز و جل ، (إذا قضى أمراً فإنما يقول له كن فيكون) ربنا يقول كن فيكون ، فما تستغربوش من قصة عيسى ، عيسى هو عبارة عن طفرة حصلت قبل كده ، ربنا حطها/وضعها ، رجعتها تاني في نسل البشر ، اللي هي بارثينوجينيسز....

، عشان يبقى آية ، إن الواد/الولد ده جيه/أتى نتيجة طفرة ، طفرة إيه؟ طفرة وراثية ، بنسميها في الطب عندنا البارثينوجينيسس parthenogenesis ، عشان يبقى إشارة إلى إنقطاع النبوة من بني إسرائيل ، لأنه إيه؟ منسوب لأمه ، ليس له أب ، فبالتالي قطعت النبوة في بني إسرائيل ، فربنا جعلها في بني إسماعيل ، في أمة الإسلام إلى قيام الساعة ، طبعاً مريم حققت الشروط المريمية : العفة و سد الفروج ، أي سد الثغرات الشيطانية ، فبالتالي ربنا إدالها/أعطاه إيه؟ آيات ، اللي هي الحالة العيسوية ، كذلك كل الأنبياء بقى عندهم إعتكاف ، بيعتكفوا و بتحصل لهم الحالة المريمية ، عفة و طهارة و قداسة ، و بعد كده ربنا بيجازيهم و يُثيبهم بالآيات ، الحالة العيسوية ، زي المسيح الموعود ، الإمام المهدي أحمد عليه الصلاة و السلام ﷺ ، إعتكف ٤٠ يوم في مكان اسمه هوشياربور ، و بعد الإعتكاف ده ، ربنا بشّره بأعظم آية في حياته هتحصل ، إيه هي؟؟ الإبن الموعود ، يوسف إيه؟ ابن المسيح ، هي دي أعظم آية من آيات الإمام المهدي أصلاً ، غير آيات كثيرة طبعاً : اللغة العربية ، تحقق النبوءات ، الخسوف و الكسوف في رمضان ، في الأيام اللي سيدنا محمد حددها في الحديث ، تمام؟ آية الطاعون ، آيات المباهلات ، آيات كثيرة جداً ، لا نستطيع أن نعددها ، لكن أعظم آياته على الإطلاق هي التي كانت بعد الحالة المريمية ، بعد الإعتكاف ، اللي هي إيه؟ بُشرى ربنا له بالإبن الموعود ؛ يوسف بن المسيح ، محدد ، الإمام المهدي ، ربنا حدد له سنة ظهوره في كتاب (حمالة البشرى) و هي مجموع كلمات (عيسى عند المنارة دمشق) اللي هي ١٤٣١ هجري ، و ده اللي حصل ، حتى إن يوسف بن المسيح ماكنش/لم يكن يعرف إن ده هيجصل ، لكن ربنا حققه عشان يكون من أعظم آيات المسيح الموعود و هي آية عيسوية ، نتجت عن الحالة المريمية التي كان فيها الإمام

المهدي في هوشيار بور ، في ذلك الإعتكاف المقدس المبارك العظيم ، تمام؟ ، (ما كان الله أن يتخذ من ولد سبحانه إذا قضى أمراً فإنما يقول له كن فيكون) .

{وَإِنَّ اللَّهَ رَبِّي وَرَبُّكُمْ فَاعْبُدُوهُ هَذَا صِرَاطٌ مُسْتَقِيمٌ} :

(و إن الله ربي و ربكم فاعبدوه) ده كلام عيسى ، (و إن الله ربي و ربكم فاعبدوه هذا صراط مستقيم) و ده/هذا كلام محمد برضو/أيضا ، (و إن الله ربي و ربكم فاعبدوه هذا صراط مستقيم) الأنبياء يدعون الناس إلى التوحيد و إلى نبذ الشرك و إلى الصراط المستقيم .

{فَاخْتَلَفَ الْأَحْزَابُ مِنْ بَيْنِهِمْ فَوَيْلٌ لِلَّذِينَ كَفَرُوا مِنْ مَّشْهَدِ يَوْمٍ عَظِيمٍ} :

إيه اللي حصل بقى؟ زي ما حصل مع أي قوم ، أي نبي بُعث فيهم ؛ الإختلاف ، (فاختلف الأحزاب من بينهم) الإختلاف ، زي ما هو حاصل في المسلمين الآن ، إختلاف ، تنازع نتيجة إيه؟ قلة التقوى ، و نتيجة إيه؟ المعاصي و العياذ بالله ، (فاختلف الأحزاب من بينهم فويل للذين كفروا من مشهد يوم عظيم) الكافرين هيشهدوا يوم عظيم و حساب أليم يوم القيامة ، نتيجة إيه؟ إنحرافهم عن الصراط المستقيم و صراط النبيين ، (فاختلف الأحزاب من بينهم فويل للذين كفروا من مشهد يوم عظيم) ربنا بيهدد على لسان الأنبياء .

{أَسْمِعْ بِهِمْ وَأَبْصِرْ يَوْمَ يَأْتُونَنَا لَكِنِ الظَّالِمُونَ الْيَوْمَ فِي ضَلَالٍ مُّبِينٍ} :

(أسمع بهم و أبصر يوم يأتوننا لكن الظالمون اليوم في ضلال مبين) ، (أسمع بهم و أبصر يوم يأتوننا لكن الظالمون اليوم في ضلال مبين) الظالمين يوم القيامة هيكونوا في حيرة ، في ألم و في تشتت فظ أليم ، نتيجة إيه؟ سوء أعمالهم و سوء عاقبتهم ، و اختلافهم على أنبياءهم و إنحرافهم عن الصراط المستقيم ، (أسمع بهم و أبصر يوم يأتوننا) يعني إنت هتشوفهم و هتبصرهم و هتسمعهم يوم القيامة يا محمد ، قبل ما تشفع عندنا ببداية الحساب ، هتشوف المشركين دول/هؤلاء اللي أنا بحكيلك عنهم في الوحي ، هتشوفهم على الواقع يوم القيامة ، (أسمع بهم و أبصر يوم يأتوننا) و كذلك أسمع عنهم و أرى قصتهم لقومك ، (أسمع بهم و أبصر يوم يأتوننا) يعني بلغ الكلام ده و سمّعه لقومك و اجعلهم يرونه في حديثك ، لكي يتخذونهم عبرة و لكي لا يقعوا في أخطاء بني إسرائيل ، لأن النبي قال لهم كده : "لتتبعون سنن من كان قبلكم ، حذو النعل بالنعل ، حتى إن دخلوا جحر ضبٍ لدخلتموه ، قالوا : اليهود و النصارى يا رسول الله ، قال : فمن؟؟؟" ، أو مال مين؟؟ تمام؟ ، و قال النبي : "ليجرينّ على أمتي ما جرى على بني إسرائيل" تمام؟ ، الإختلاف ، فمنهم من يكون أمثال اليهود ، قلوب قاسية و إيه؟ يلتزمون بالطقوس فقط من دون الجوهر و الروح ، و فرع آخر كالنصارى يُغالون في آل البيت و يسجدون للقبور ، سواء أكانوا من المتشيعه أو من المبتدعة إيه؟ الصوفية ، عندهم شرك ظاهر ، يبقى أمة محمد في غالبها بقت/أصبحت منها اليهود و منها النصارى بالزبط ، التاريخ بيعيد نفسه ، مين الفرقة

الناجية؟؟ أتباع الإمام المهدي الحبيب ﷺ ، تمام؟ ، طيب ،  
حد عنده أي سؤال ثاني؟؟ .

○ و أثناء تصحيح نبي الله يوسف الثاني ﷺ لتلاوتنا ، قال  
لنا :

- طبعاً إحنا عرفنا إن كلمة (أسمع بهم و أبصر) ممكن  
تيجي/تأتي بمعنى مدح ، يعني ما أسمعْه و ما أبصرْه  
، لكن هنا جات/أتت بمعنى إيه؟؟ يا محمد قول قصتهم  
لقومك ، و كذلك الضالين ، اللي قومك من المشركين  
الكفار أو من الضالين من إيه؟ من أهل الكتاب ، سواء  
كانوا نصارى أو يهود ، قل لهم القصة الحقيقية ،  
أسمع بهم بالقصة دي و أبصر ، إجعلهم يبصروا  
قصتهم على الحقيقة و ماذا سيكون إيه؟ مآلهم يوم  
القيامة ، ده المعنى ، تمام كده؟؟ طيب .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه  
و سلم ، سبحانهك اللهم و بحمدك ، أشهد أن لا إله إلا أنت ،  
أستغفرك و أتوب إليك .

و الحمد لله رب العالمين . و صلّ يا ربي و سلم على  
أنبياءك الكرام محمد و أحمد و يوسف بن المسيح صلوات  
تلو صلوات طيبات مباركات ، و على أنبياء عهد محمد  
الآتين في مستقبل قرون السنين أجمعين . آمين . 🌿💙

## درس القرآن و تفسير الوجه الرابع من مريم .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد , ثم قام بقراءة الوجه الرابع من أوجه سورة مريم ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الرابع من أوجه سورة مريم ، و نبدأ بأحكام التلاوة و رقيقة :

- أحكام المد و نوعيه :

مد أصلي طبيعي و مد فرعي , المد الأصلي يُمد بمقدار حركتين و حروفه (الألف , الواو , الياء) , و المد الفرعي يكون بسبب الهمزة أو السكون .

أما الذي بسبب الهمزة فهو مد متصل واجب و مقداره ٤ إلى ٥ حركات , و مد منفصل جائز مقداره ٤ إلى ٥

حركات , و مد صلة كبرى مقداره ٤ إلى ٥ حركات جوازاً , و مد صلة صغرى مقداره حركتان وجوباً .

و ثم تابع نبي الله يوسف الثاني ﷺ الجلسة بشرح الوجه لنا فقال :

ربنا سبحانه و تعالى في الوجه الرابع من مريم بيحذر من يوم القيامة و من المآل .. ، و بيحذر الكافرين اللي حالتهم هتبقى حسرة بل هتبقى حسرات و ندم و ألم على تفويتهم فرصة الإيمان في الدنيا .

{وَأَنْذِرْهُمْ يَوْمَ الْحَسْرَةِ إِذْ قُضِيَ الْأَمْرُ وَهُمْ فِي غَفْلَةٍ وَهُمْ لَا يُؤْمِنُونَ} :

(و أنذرهم يوم الحسرة) يوم القيامة ، و الحسرة من الندم و الحسرات ، كذلك الحسرة أي الكشف ، أي الواقع ، أي ظهور عالم الغيب يوم القيامة ، إنحسر حجاب الغيب ، (و أنذرهم يوم الحسرة) يوم إنحسار حجاب الغيب و تكشف الحقائق و ارتفاع الإختبار ، (و أنذرهم يوم الحسرة إذ قضى الأمر) إنتهى الأمر خلاص ، و أغلقت السجلات ، الكتب اللي للملايكة بتكتبها لكل واحد أغلقت ، (و هم في غفلة) كانوا في الدنيا في غفلة ، (و هم لا يؤمنون) لا يؤمنون بالأنبياء ، بل يستهزئون بهم .

{إِنَّا نَحْنُ نَرِثُ الْأَرْضَ وَمَنْ عَلَيْهَا وَإِلَيْنَا يُرْجَعُونَ} :

(إِنَّا نحن نرث الأرض و من عليها) رينا هيرث كل ما في الدنيا ، يعني هيرجعله تاني ، يعني مآل كل حاجة لله ، (إِنَّا نحن نرث الأرض و من عليها و إلينا يرجعون) هترجعوا تاني ، هترجعوا تاني تتحاسبوا في يوم الحسرة .

{وَأَذْكُرْ فِي الْكِتَابِ إِبْرَاهِيمَ إِنَّهُ كَانَ صِدِّيقًا نَبِيًّا} :

(و اذكر في الكتاب إبراهيم) أذكر في رسالتك لقومك يا محمد ، إبراهيم ، النبي إبراهيم ، (إنه كان صديقاً نبياً) صديق أي صادق ، نبياً أي يُنبىء بما يُخبره الله سبحانه و تعالى من نبوءات .

{إِذْ قَالَ لِأَبِيهِ يَا أَبَتِ لِمَ تَعْبُدُ مَا لَا يَسْمَعُ وَلَا يُبْصِرُ وَلَا يُغْنِي عَنْكَ شَيْئًا} :

(إِذْ قال لأبيه يا أبت لم تعبد ما لا يسمع و لا يُبصر و لا يُغني عنك شيئاً) أول من دعى قومه ، أقرب الناس له كان أبوه ، (يا أبت) يا بابا ، (لم تعبد ما لا يسمع و لا يُبصر و لا يُغني عنك شيئاً) تعبد الأصنام ليه؟؟ ، ليه بتعبد الأصنام و هي لا بتسمع و لا بتشوف ، تمام؟ و لا تُغني عنك شيء ، يعني مش هتنفعك و لا تضرك .

{يَا أَبْتَ إِنِّي قَدْ جَاءَنِي مِنَ الْعِلْمِ مَا لَمْ يَأْتِكَ فَاتَّبِعْنِي أَهْدِكَ صِرَاطًا سَوِيًّا} :

(يا أبت إنني قد جاءني من العلم ما لم يأتك) جالي/أتاني وحي من الله ، العلم هو الوحي ، (فاتبعني أهدك صراطاً سويًا) ههديك/سأهديك الصراط المستقيم اللي هو الصراط السوي ، (صراطاً سويًا) يعني الإنسان لما بيمشي فيه بيستوي ، بينضج مع الوقت و مع مرور الزمان و الأيام و السنوات ، فلذلك سمي الصراط المستقيم : صراطاً سويًا ، صراط سوي يعني صحيح ، كذلك الإنسان عندما يسير في هذا الطريق ينضج مع الأيام فيصير إيه؟ سوي أي يترقى في الروحانيات ، حتى يكون ولي من أولياء الله عز و جل ، و إذا أراد الله يختاره نبياً .

{يَا أَبْتَ لَا تَعْبُدِ الشَّيْطَانَ إِنَّ الشَّيْطَانَ كَانَ لِلرَّحْمَنِ عَصِيًّا} :

(يا أبت لا تعبد الشيطان) كل مشرك هو عبد للشيطان ، سواء أعرف أم لم يعرف ، (إن الشيطان كان للرحمن عصيًا) الشيطان صفته إنه عاصي ، و عصياً صفة مستمرة فيه ، في الشيطان ، لأن كلمة شَطْنُ أي إيه؟ ابتعد عن الحق ، و كذلك شَطْنُ أي إيه؟ احترق و غضب من صفات النار ، الغضوبة الهائجة الطائشة ، الغير سوية ، الغير روية ، الغير مؤمنة ، الغير مأكثة .

---

{يَا أَبَتِ إِنِّي أَخَافُ أَنْ يَمَسَّكَ عَذَابٌ مِّنَ الرَّحْمَنِ فَتَكُونَ  
لِلشَّيْطَانِ وَلِيًّا} :

(يا أبت إنني أخاف أن يمسك عذاب من الرحمن فتكون  
لشيطان ولياً) يعني إبراهيم يقول له أنا خائف عليك من  
عذاب ربنا و سوء العاقبة ، سوء عاقبة هذا الشرك ،  
فتتكتب ولي للشيطان في السجلات بتاعتك يوم الحسرة و  
العياذ بالله .

---

{قَالَ أَرَاغِبٌ أَنْتَ عَنْ آلِهَتِي يَا إِبْرَاهِيمُ لَئِنْ لَمْ تَنْتَهِ لَأَرْجُمَنَّكَ  
وَأَهْجُرَنِي مَلِيًّا} :

رد أبوه عليه و قاله إيه؟ (قال أراغب أنت عن آلهتي يا  
إبراهيم) أنت مش عاجبك الآلهة اللي إحنا بنعبدها ،  
الأصنام دي ، (لئن لم تنته لأرجمنك) لو فضلت/ظللت تقول  
لي الكلام ده تاني ، تحاول تبعدني عن الأصنام ،  
(لأرجمنك و اهجرني ملياً) لأرجمنك يعني اقتلك ، أرجمك  
بالحجارة لغاية ما أموتك ، و بعد كده قال له إيه؟ (و  
اهجرني ملياً) يالله/هيا ابعدي عني ، مش عاوز أسمع منك و  
لا كلمة ، إوعى أسمعك تاني مرة تنطق الكلام اللي إنت  
قلته ده ، (و اهجرني ملياً) يعني إيه؟ ابعدي عني ، فإبراهيم  
قال له إيه؟؟ .

---

{قَالَ سَلَامٌ عَلَيْكَ سَأَسْتَغْفِرُ لَكَ رَبِّي إِنَّهُ كَانَ بِي حَفِيًّا} :

فإبراهيم قال له إيه؟؟ (قال سلام عليك) طبعاً ده في مبدأ الأمر ، (سأستغفر لك ربي إنه كان بي حفيماً) أنا هطلب الغفران من الله لك ، طبعاً ده كلام إيه؟ في مبدأ الأمر كان إبراهيم يظن إنه لما يستغفر لمُشرك ، ربنا إيه؟ هيستجيب ، لكن بعد كده ربنا قال له لا ، تمام؟ لأنه لا يغفر للمُشركين ، بس/لكن ده كان مبدأ سلوك إبراهيم لأنه كان بار و كان طيب ، لأنه هكذا الأنبياء أطهار القلوب و عاوزين الخير للبشرية ، و عاوزين الخير لأقوامهم ، فتجلى ده ، هذا الأمر تجلى في كلام إبراهيم أهو ، ربنا بيبين/بيوضح نفسية إبراهيم و كذلك نفسية الأنبياء ، إن هم/إنهم عاوزين الخير لأقوامهم ، (قال سلام عليك) يعني إيه؟ أرجو من الله أن يُعطيك سلاماً ، (سأستغفر لك ربي) أطلب الغفران من الله أن يكون إيه؟ من نصيبك ، (سأستغفر لك ربي إنه كان بي حفيماً) ربنا حفي بي ، يعني ربنا إيه؟ فرح به ، ربنا إيه؟ سعيد به ، بيبلغه نعمة ربنا ، تمام؟ إبراهيم بيببلغ أبوه نعمة ربنا عليه ، العلم اللي جاله/أتاه أي الوحي ، و الحقيقة ، لأن إبراهيم قعد يدور/يبحث على الحقيقة ، قعد يدور/يبحث على ربنا ، لغاية ما إيه؟ وصل لربنا ، وصل للحقيقة ، فإبراهيم كان فرحان بالحقيقة دي ، و شاف فرح ربنا و سعادة ربنا به ، لأن إحنا عارفين إن النبي و ربنا هما عبارة عن إيه؟ أصدقاء ، أحباب ، يحبوا بعضهم و بيعاتبوا بعضهم أيضاً ، تمام؟ فهو كان بيحاول يبلغه الإحساس ده ، و هكذا كل نبي .

{وَأَعْتَزِلُكُمْ وَمَا تَدْعُونَ مِنْ دُونِ اللَّهِ وَأَدْعُوا رَبِّي عَسَىٰ أَلاَّ  
أَكُونَ بِدُعَاءِ رَبِّي شَقِيًّا} :

و بعدين بقى؟ بعد مالقاش/لم يجد منهم فايده؟ ، ربنا أمر إبراهيم إنه يدخل في الحالة المريمية ، الإعتكاف و الإعتزال ، أه كل نبي هكذا ، الإعتكاف و الإعتزال و سد الثغرات الشيطانية و الترقى الروحاني حتى تأتيه الآيات ، (و أعتزلكم و ما تدعون من دون الله و أدعو ربي عسى ألا أكون بدعاء ربي شقياً) أعتزل و أعتكف و هستمر/سأستمر في الدعاء ، في دعاء الله عز و جل .

{فَلَمَّا اعْتَزَلَهُمْ وَمَا يَعْبُدُونَ مِنْ دُونِ اللَّهِ وَهَبْنَا لَهُ إِسْحَاقَ  
وَيَعْقُوبَ وَكُلًّا جَعَلْنَا نَبِيًّا} :

(فلما اعتزلهم) لما حقق الصفات المريمية و الحالة المريمية ، (فلما اعتزلهم و ما يعبدون من دون الله) إيه اللي حصل بقى؟ آيات على مر الزمان بقى ، (وهبنا له إسحاق و يعقوب) إدينا له/أعطينا إسحق و من بعد إسحق يعقوب ، لأن يعقوب من إيه؟ من أبناء إسحق ، (وهبنا له إسحاق و يعقوب و كلاً جعلنا نبياً) جعلنا النبوة في نسل إبراهيم ، فلذلك يُسمى بأبي الأنبياء ، أبو الأنبياء إبراهيم ، مش معناه إن هو/إنه أبو كل الأنبياء ، لأ ، يعني في سلالة في أنبياء كثير ، فسُمي بأبي الأنبياء ، تمام كده؟؟ تمام ، و من ضمن أبناء إبراهيم مين؟؟ يوسف ، لذلك يوسف يسمى ابن الأنبياء ، ابن الأنبياء ، (فلما اعتزلهم و ما يعبدون من دون الله و هبنا له إسحاق و يعقوب و كلاً جعلنا نبياً) ف دي

كانت الآيات بقى ، الحالة العيسوية اللي امتدت مع إبراهيم و نسل إبراهيم ، حالة آيات ، حالة الآيات ، الحالة العيسوية ، (وهبنا له إسحاق و يعقوب و كُلا جعلنا نبياً)

{وَوَهَبْنَا لَهُمْ مِّن رَّحْمَتِنَا وَجَعَلْنَا لَهُمْ لِسَانَ صِدْقٍ عَلِيًّا} :

(و وهبنا لهم من رحمتنا و جعلنا لهم لسان صدق علياً) اللي هم بني إسرائيل في مبدأهم بقى ، لما كانوا إيه؟ أطهار و موحدين ، دي كانت ثمرة إبراهيم ، تمام؟ اللي هتتنقل بعد كده لبني إسماعيل و هي برضو من ثمرة إبراهيم ، فأمة الإسلام دي أصلاً هي في حقيقتها هي آية من آيات إبراهيم ، تمام؟ و حالة عيسوية من حالات إبراهيم ، الأمة الإسلامية ، تمام كده؟؟ فبالتالي كُنا كده كمسلمين في ميزان إبراهيم ، في ميزان مين؟؟ النبي إبراهيم ، لأن هو حقق العبودية و حقق التوحيد و حقق الحالة المريمية ، لغاية ما ربنا إداله/أعطاه إيه؟ الحالة العيسوية ، اللي هي حالة الآيات ، تمام كده؟ ، حد عنده أي سؤال ثاني؟؟ .

● و قرأ أحمد سورة المرسلات ، و صحح نبي الله الحبيب يوسف الثاني ﷺ تلاوته ، و ثم قال نبي الله : نعم ، فهذه السورة تتحدث عن يوم الحسرة ، الذي تحدث عنه الوجه الرابع من أوجه سورة مريم .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه  
و سلم ، سبحانك اللهم و بحمدك ، أشهد أن لا إله إلا أنت ،  
أستغفرك و أتوب إليك .

---

و الحمد لله رب العالمين . و صلّ يا ربي و سلم على  
أنبياءك الكرام محمد و أحمد و يوسف بن المسيح صلوات  
تلو صلوات طيبات مباركات ، و على أنبياء عهد محمد  
الآتين في مستقبل قرون السنين أجمعين . آمين . 🍀💙

## درس القرآن و تفسير الوجه الخامس من مريم .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد , ثم قام بقراءة الوجه الخامس من أوجه سورة مريم ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الخامس من أوجه سورة مريم ، و نبدأ بأحكام التلاوة و أرسال :

مد فرعي بسبب السكون :

مد عارض للسكون و يكون غالباً في نهايات الآيات و يمد بمقدار ٤ إلى ٥ حركات .

و مد لازم حرفي أو كلمي : الحرفي هو في أوائل السور , و الكلمي مثقل و يُمد بمقدار ٧ حركات مثل (و لا الضالين) .

و المد الحرفي له ثلاثة أنواع : حرف واحد يمد حركة واحدة و هو الألف في حروف المقطعات في بداية السور ، مجموعة من الحروف تمد بمقدار حركتين و هي مجموعة في جملة (حي طهر) ، و حرف تمد بمقدار ٦ حركات و هي مجموعة في جملة (نقص عسلكم) .

و ثم تابع نبي الله يوسف الثاني ﷺ الجلسة بشرح الوجه لنا فقال :

{وَأَذْكُرْ فِي الْكِتَابِ مُوسَى إِنَّهُ كَانَ مُخْلَصًا وَكَانَ رَسُولًا نَّبِيًّا} :

(و اذكر في الكتاب موسى) أذكر في رسالتك يا محمد ، النبي موسى ، إتكلّم عنه يعني بالذي أوحينا إليك ، إيه هو بقى؟ (إنه كان مخلصاً و كان رسولاً نبياً) مُخلصاً يعني خُلص فُخِّلص ، يعني دخل في التجارب و الابتلاءات ، تمام؟ فُخِّلص لكي يُخَلص من حوله من المؤمنين ، يهديهم إيه؟ الصراط المستقيم و يفهمهم الإيه؟ الفهم الصحيح للنبوة ، و يُعرفهم المعرفة الصحيحة بالوصال بالله عز و جل ، فكل نبي هو مُخَلص ، مُخَلص ، الخلاصة يعني بيجيب من الآخر ، يعني معيار الزمان ، معيار الزمان الذي يُرجع إليه ، و معيار الزمان الذي يُناسب الفطرة و السلوك القويم و الصراط المستقيم ، فهكذا يكون كل نبي مُخَلص ، يعني استوى ، ربنا سواه ، و ربنا رباه على عينه ، و خُلص من التجارب و الابتلاءات لكي يُخَلص و فُهم و درس طبيعة الزمان و واجب الوقت لكي يُفهم المؤمنين و المُخلصين و

المتقين ، (و كان رسولاً نبياً) رسول ، كل نبي هو رسول نبي ، مفيش فرق بين الرسول و النبي ، كل نبي هو رسول نبي ، رسول مُرسل ، مُرسل من الله عز و جل ، و نبي أي يتنبأ بأمر الله عز و جل ، ربنا يبعثه نبوءات فيتنبأ ، تمام؟ ، من النبوءات دي ما يتحقق في عهده ، و منها ما يتحقق إيه؟؟ بعد رفعه ، تمام؟ .

{وَنَادَيْنَاهُ مِنْ جَانِبِ الطُّورِ الْأَيْمَنِ وَقَرَّبْنَاهُ نَجِيًّا} :

(و نادينه من جانب الطور الأيمن و قربناه نجياً) نادينه من جانب الطور الأيمن ، الطور المقصود به التوحيد و كذلك جبل في سيناء ، تمام؟ ، و الأيمن من اليمين و البركة و القداسة ، فهكذا الله سبحانه و تعالى يُعطي لفظ اليمين القداسة ، و هكذا في الإسلام ، اليمين عندنا رمز للقداسة و الطهارة و الطاعة و الإيه؟ و البركة ، فلذلك ربنا سبحانه و تعالى عَبَّرَ عن وحيه لموسى إيه؟ (و نادينه من جانب الطور الأيمن) الطور اللي هو إيه؟ الجبل ، و كذلك العزيمة ، و كذلك رمز للتوحيد ، كل ده أدى إلى إيه؟ وصال الله عز و جل بموسى ، و كل نبي على فكرة ، ربنا بيناديه من جانب الطور الأيمن ، تمام؟ ، أي بسبب التوحيد و بسبب الطهارة و القداسة لأنه أيمن ، تمام؟ ، و كل نبي (و قربناه نجياً) ، كل نبي ربنا يقربه نجياً ، نجياً يعني إيه؟ خل وفي ، صديق ، حبيب ، فبين الأصدقاء يكون هناك إيه؟ المناجاة و العتاب و المباحثات و المحادثات ، فهذا معنى نجياً ، (و قربناه نجياً) من المناجاة و كذلك نجياً أي من النجاة ، تمام؟ ، و كل نبي هو مُقرب و هو نجي و هو مُنادى من الله عز و جل من جانب الطور الأيمن ، لأنه يُحمَل الأمانة التي يُبلغها لقومه في زمانه .

{وَوَهَبْنَا لَهُ مِنْ رَحْمَتِنَا أَخَاهُ هَارُونَ نَبِيًّا} :

(و وهبنا له من رحمتنا أخاه هارون نبياً) ربنا إصطفى إياه؟ هارون عشان يساعده ، ربنا لقي/وجد قلب هارون طاهر يستحق إنه إيه ، هذا القلب يستحق إنه يستنزل كلمات الله عز و جل ، فربنا إصطفاه علشان يساعد موسى في بعثته و رسالته و مهمته و في حمل الأمانة التي حُمِّلها ، (و وهبنا له من رحمتنا أخاه هارون نبياً) يعني أصبح أيضاً هارون يتنبأ بأمر الله عز و جل ، و يرى إياه؟ الرؤى و الكشف ، و أصبح طاهر مُقدس القلب و النفس و الروح .

---

{وَأَذْكُرْ فِي الْكِتَابِ إِسْمَاعِيلَ إِنَّهُ كَانَ صَادِقَ الْوَعْدِ وَكَانَ رَسُولًا نَبِيًّا} :

(و اذكر في الكتاب إسماعيل) أذكر في الكتاب يا محمد ، الرسالة بتاعتك لقومك ، النبي إسماعيل ، اللي إنت من ذريته ، إسماعيل هو بكر إبراهيم -عليه السلام- ، (إنه كان صادق الوعد و كان رسولاً نبياً) كل نبي هو صادق ، كل نبي هو صدق و قلبه طاهر ، صدوق صِدِّيق ، لا يُحب إلا الصدق و الحقيقة ، ربنا سبحانه و تعالى بيعبر عن أعظم صفة و أهم صفة في إياه؟ في كل نبي ، مع انهم كلهم إياه؟ يحتوون الصفات الحسنة ، و لكن ربنا بيَنووع في ذكر الصفات مع الأنبياء ، مع الأنبياء إياه؟ المتعديدين ، كل نبي ربنا بيُشيد بصفة مميزة فيه ، و صفة فُضلى فيه ، بس/لكن ده مش معناه إن الأنبياء الباقيين مافيهومش/ليس فيهم الصفات دي ، ربنا إياه؟ بيُظهر أعظم صفة في إياه؟ في

النبي ده ، (و اذكر في الكتاب إسماعيل إنه كان صادق الوعد و كان رسولاً نبياً) كل نبي هو رسول ، و كل رسول هو نبي ، (و كان رسولاً نبياً) تمام؟ و رسول يعني إيه؟ مُرسل من الله عز و جل ، بيأدي/يؤدي مهمة و رسالة و معه كتاب ، رسالة يعني ، تمام؟ مش شرط كل نبي يبقى معه شريعة ، لكن إيه؟ كل الأنبياء مرسلين لمهمة إيه؟ تزكية أقوامهم و تعريفهم على الله عز و جل من جديد و إيصالهم بكلمات الله عز و جل من جديد ، (و كان رسولاً نبياً) أي إيه؟ يتنبأ، يرى كثير من إيه؟ من الرؤى و النبوءات ، فهذا هو معنى النبوة ، هذا هو معنى النبوة الحقيقية ، كثرة الرؤى و الكشف و النبوءات .

---

{وَكَانَ يَأْمُرُ أَهْلَهُ بِالصَّلَاةِ وَالزَّكَاةِ وَكَانَ عِنْدَ رَبِّهِ مَرْضِيًّا} :

(و كان يأمر أهله بالصلاة و الزكاة) دائماً كده بيحث قومه ، قومه و إيه؟ و أهله ، على إيه؟ على الصلاة و الدعاء و أداء الفروض و الزكاة أيضاً ، و التطهر ، الطهارة ، (و كان عند ربه مرضياً) ربنا كان راضي عنه و لا زال ، (و كان عند ربه مرضياً) ربنا راضي عنه و هو راض عن الله عز و جل ، فهذا معنى مرضياً .

---

{وَإِذْكَرُ فِي الْكِتَابِ إِدْرِيسَ إِنَّهُ كَانَ صِدِّيقًا نَبِيًّا} :

(و اذكر في الكتاب إدريس) إدريس ، اللي هو كان في مصر ، تمام؟ ، (و اذكر في الكتاب إدريس إنه كان صديقاً نبياً) صديق ، عنده صدق ، و نبي كثير التنبؤ .

---

{وَرَفَعْنَاهُ مَكَانًا عَلِيًّا} :

(و رفعناه مكاناً علياً) ، كل الأنبياء على فكرة (و رفعناه مكاناً علياً) ، فربنا يٌشيد بالصفات الجميلة في كل نبي ، ده مش معناه إن الصفات دي مش موجودة في الأنبياء التانيين ، لا ، بس/لكن ربنا إيه؟ بيُشير.. بصفات جميلة بيخص بها أنبياء عن غيرهم ، علشان يُظهر الصفة الجميلة دي ، بس ده مش معناه إن الصفات دي مش موجودة في الأنبياء التانيين ، فاهمين؟؟ ، (و اذكر في الكتاب إدريس إنه كان صديقاً نبياً x و رفعناه مكاناً علياً) رفعة ، رفعة روحية يعني و رفعة مقام ، و رفعة قدر ، و رفعة مكانة .

{أُولَئِكَ الَّذِينَ أَنْعَمَ اللَّهُ عَلَيْهِمْ مِنَ النَّبِيِّينَ مِنْ ذُرِّيَةِ آدَمَ وَمِمَّنْ حَمَلْنَا مَعَ نُوحٍ وَمِنْ ذُرِّيَةِ إِبْرَاهِيمَ وَإِسْرَائِيلَ وَمِمَّنْ هَدَيْنَا وَاجْتَبَيْنَا إِذَا تُتْلَى عَلَيْهِمْ آيَاتُ الرَّحْمَنِ خَرُّوا سُجَّدًا وَبُكِيًّا} :

(أُولَئِكَ الَّذِينَ أَنْعَمَ اللَّهُ عَلَيْهِمْ مِنَ النَّبِيِّينَ) إذاً ربنا عبر عن النعمة إنها النبوة ، و الأحاديث ، الأحاديث اللي هي إيه؟ الكشف و الرؤى و النبوة و الوصال بالله عز و جل ، فربنا عبر عن الحاجات دي بأنها النعمة ، إرجع ثاني كده لسورة الفاتحة (صراط الذين أنعمت عليهم) أنعمت يعني إيه؟ أعطيتهم الوصال و النبوة ، تمام؟ طيب ، (أُولَئِكَ الَّذِينَ أَنْعَمَ اللَّهُ عَلَيْهِمْ مِنَ النَّبِيِّينَ مِنْ ذُرِّيَةِ آدَمَ وَمِمَّنْ حَمَلْنَا مَعَ نُوحٍ وَمِنْ ذُرِّيَةِ إِبْرَاهِيمَ وَإِسْرَائِيلَ وَمِمَّنْ هَدَيْنَا وَاجْتَبَيْنَا) أنبياء كثر ، في أماكن مختلفة ، من أبناء آدم اللي هو أول مصطفى ، أول مصطفى من البشرية ؛ آدم ، (و ممن حملنا

مع نوح) اللي هم نجوا في الطوفان ، في الفلك ، في الفلك المشحون الذي بناه نوح ، و الذي أصبح رمز لكل دعوات الأنبياء ، دعوات الأنبياء أصبحت إيه؟ رمزها : سفينة نوح ، يعني سفينة النجاة ، و المؤمنين اللي بيؤمنوا ، يبقى هم دخلوا في الفلك المشحون ، في الفلك الذي يُنْجِي من طوفان المعاصي و الشهوات المحرمة و العياذ بالله ، (أولئك الذين أنعم الله عليهم من النبيين من ذرية آدم و ممن حملنا مع نوح و من ذرية إبراهيم) لأن إبراهيم أبو الأنبياء ، يعني في سلالة كثير من الأنبياء يعني ، (و من ذرية إبراهيم و إسرائيل) اللي هو يعقوب ، إسرائيل أي صفي الله ، إسرائيل اللي هو يعقوب -عليه السلام- ، (و ممن هدينا و اجتبتنا إذا تتلى عليهم آيات الرحمن خروا سجداً و بكيًا) يعني فيهم الطاعة ، فيهم الخشوع ، فيهم المشاعر المرهفة ، فيهم إيه؟ الخير و الصدق ، الخير كل الخير ، و الصدق كل الصدق ، و ممن حملنا مع نوح و من ذرية إبراهيم و إسرائيل و ممن هدينا و اجتبتنا) هدينا أي هديناهم هداية الطريق و هداية القلب ، و اجتبتنا أي اصطفتيناهم في بيئة موحشة ، هذا معنى الإجتباء و شرحناه قبل كده ، تمام؟ ، إذا تتلى عليهم آيات الرحمن خروا سجداً و بكيًا) إيه اللي حصل بعد كده؟؟ الأنبياء دول/هؤلاء جوم/أتوا و أدوا المهمة بتاعتهم ، صح؟ و طهروا الأرض ، و أعطوا إيه؟ نبراس و نموذج للخير و الصدق و القداسة و الطهارة و القدوة ، صح؟ سابوه/تركوه للناس ، يعني إرث الأنبياء يبقى إرث معنوي ، صح كده؟ طيب .

{فَخَلَفَ مِنْ بَعْدِهِمْ خَلْفٌ أَضَاعُوا الصَّلَاةَ وَاتَّبَعُوا الشَّهَوَاتِ فَسُوفَ يَلْقَوْنَ غِيًّا} :

حصل إليه بقى؟ أي نبي بعده/بعده (فخلف من بعدهم خلف) يعني اللي جوم/أتوا بعده/خالفوا أوامرهم ، زي ما كده الأحمديين خالفوا أوامر الإمام المهدي ، (فخلف من بعدهم خلف) يعني خالفوا أوامر النبي ، و كذلك (فخلف من بعدهم خلف) يعني جوم/أتوا بعده/بعده ، جوم/أتوا بعد الأنبياء من الخلافة ، يعني إليه؟ أتى بعده ، فربنا عبر هنا عن الأجيال التي تأتي بعد الأنبياء ، الأجيال العاصية للأنبياء ، عبر عنهم بلفظ (خلف من بعدهم خلف) لإظهار المخالفة لمنهج الأنبياء ، لأن دول/هؤلاء خالفوا منهج الأنبياء ، و كل نبي بيجي/يأتي يرجع تاني المنهج الصحيح للأنبياء ، بيحدد الدين ، هو ده تجديد الدين ، إنك ترجع الدين للإيه؟؟ للفترة الأولى و للنضارة و للكلمة الإيه؟؟ الإلهية المقدسة ، و تشيل كل الإيه؟ العبث اللي بيعمله المشايخ أو الإيه؟ الكهنة ، تمام؟ ترجعه تاني طاهر ، ماشي؟ هو ده التجديد ، هي دي وظيفة الأنبياء ، (فخلف من بعدهم خلف أضاعوا الصلاة و اتبعوا الشهوات) الشهوات المحرمة ، سابوا/تركوا أنفسهم للشهوات المحرمة ، كل ده إن الناس تضيع الصلاة أي الصلاة ، سواء أكانت صلوات مفروضات أو الدعاء ، الإثنين دول/بنسبهم الصلاة ، (و اتبعوا الشهوات) يعني إليه؟ الشهوات المحرمة أو غالوا في الشهوات المحرمة ، فأصبحت هي إليه؟ القاعدة في المجتمعات ، إيه اللي هيحصل؟؟ النتيجة إليه؟؟ (فسوف يلقون غيأ) غيأ يعني ظلام ، مستقبل مظلم ، غيأ : غين ضباب و غبش و عدم وضوح ، الياء تموج مشدد ، غيأ ، (فسوف يلقون غيأ) يعني ظالم و ظلمة و آلام شديدة و تيه ، مش بني إسرائيل لما عصوا موسى ، ربنا فرض عليهم التيه ٤٠ سنة ، التيه يعني إليه؟ الغبش و الضباب و الظلام ، صح؟ أهو (فسوف يلقون غيأ) ، أي قوم يُخالفوا نبيهم ،

ربنا هيدخلهم في الظلمات و التوهان ، زي أمة الإسلام كده  
 دلوقتي ، أصبحت فين؟؟ في غي ، في ظلمات ، ليه؟ لأنهم  
 خالفوا الإمام المهدي و كفروا به ، فربنا دخلهم سلوك إيه؟  
 و مسلك إيه؟ الغي ، إن هم/إنهم في الظلمات تايهين/تائهين  
 ، المسلمين تايهين دلوقتي ، و كذلك الغي أي إيه؟ البغض و  
 الغل و الظلم و الكبر ، كل ده معاني لكلمة غي ، تمام؟ و  
 ده سلوك الأمم المكذبة للأنبياء .

{إِلَّا مَنْ تَابَ وَآمَنَ وَعَمِلَ صَالِحًا فَأُولَئِكَ يَدْخُلُونَ الْجَنَّةَ وَلَا  
 يُظْلَمُونَ شَيْئًا} :

(إلا من تاب و آمن و عمل صالحاً) ربنا سابلهم/ترك لهم  
 فرصة للتوبة ، استثنى التائبين ، لأن أكيد في أطهار في كل  
 المجتمعات ، و أكيد في ناس عايزين الحقيقة و  
 بيدوروا/بيبحثوا على الصدق و الإيـه؟ الحياة ،  
 بيدوروا/بيبحثوا على الصدق والحياة ، فربنا استثنى مين؟؟  
 (إلا من تاب و آمن) (تاب) يعني انتهى عن الفواحش و  
 المنكرات و مخالفة الأنبياء ، (آمن) آمن بإيـه؟ بدعوة  
 الأنبياء ، و مآمنش/لم يؤمن بس/فقط ، لأ ، ده عمل صالح  
 كمان (و عمل صالحاً) الإيمان يتبعه العمل ، (آمن و عمل  
 صالحاً) عملاً صالحاً ، (فأولئك يدخلون الجنة و لا يظلمون  
 شيئاً) مصيرهم للجنة ، (و لا يظلمون شيئاً) كل ذنوبهم  
 تُبدل حسنات ، و لن يجدوا ظملاً و لن يجدوا ظلمة و لن  
 يجدوا ظلمات .

{جَنَّاتٍ عَدْنٍ الَّتِي وَعَدَ الرَّحْمَنُ عِبَادَهُ بِالْغَيْبِ إِنَّهُ كَانَ وَعْدُهُ مَأْتِيًا} :

(جنات عدن التي وعد الرحمن عباده بالغيب) جنات متتاليات متعاقبات ، و هي وعد الرحمن الذي وعدهم بالغيب ، أي من خلف حجاب الغيب ، (إنه كان وعده مأتياً) وعد ربنا مُحقق و سيتحقق بلا شك و بلا ريب ، (إنه) للتأكيد ، (كان وعده مأتياً) و (كان) فعل ماضي للدلالة على التأكيد ، على التأكيد على حدوث هذا الأمر ، و هو حدوث هذا الوعد ؛ الجنات المتتاليات المتعاقبات ، جنات عدن ، جنات عدن أي المُعَدَّة ، المُعَدَّة للمؤمنين المحسنين المتقين ، كذلك عدن أي الموعودة ، الموعودة التي وعدت للمؤمنين ، (إنه كان وعده مأتياً) أي آتٍ لا ريب فيه .

{لَا يَسْمَعُونَ فِيهَا لَغْوًا إِلَّا سَلَامًا وَلَهُمْ رِزْقُهُمْ فِيهَا بُكْرَةً وَعَشِيًّا} :

(لا يسمعون فيها لغواً إلا سلاماً) مفيش كلام فاضي ، مفيش لغو ، مفيش تفاهات ، كله سلام في سلام ، كله إطمئنان ، (و نزعنا ما في قلوبهم من غلٍ إخواناً على سرر متقابلين) سرور ، بشاشة ، طهارة قلب ، سلامة نفس ، (و لهم رزقهم فيها بكرةً و عشياً) يعني هيشعروا بالزمن ، هيشعروا بالنهار و الليل في الجنة ، لأن شعورك بالزمن ، إن في نهار يعقبه ليل ، في حد ذاتها لذة ، لذة ، (و لهم رزقهم فيها بكرةً و عشياً) نهاراً و ليلاً يرزقون من خيرات الجنة الروحية و المادية .

{تِلْكَ الْجَنَّةُ الَّتِي نُورِثُ مِنْ عِبَادِنَا مَنْ كَانَ تَقِيًّا} :

(تلك الجنة التي نورث من عبادنا من كان تقياً) الجنة دي هنورثها للمتقين المحسنين ، لا يخرجون منها أبداً ، (تلك الجنة التي نورث من عبادنا من كان تقياً) تمام؟ ، في ناس هتخش/ستدخل الجنة آه/نعم ، بس/لكن في ناس مخصوصة هي اللي هترثها ، يعني إيه؟ لن تنفك عنها ، و اللي هم مين؟ المحسنين المتقين ، الذين يُراقبون الله عز و جل في أفعالهم ، و يُبادون و يبادرون بالإحسان و الدعاء للغير في ظهر الغيب ، ف ده مظهر من مظاهر الإحسان ، و ده إيه؟ باب من أبواب الجنة و الخلود التام الأبدى الغير منقطع ، الخلود الوراثي يعني يرث ، يرث الجنة ، تبقى ملكه ، محدش ياخذها منه ، و ربنا بيرقيه في الدرجات ، جنة تلو جنة ، إلى ما لا نهاية ، و في ناس هيخشوا/سيدخلوا الجنة مؤقت بس/فقط اللي هم مش محسنين ، اللي هم عصاة النار ، اللي هم ربنا يخرجهم من النار بعد ما تفنى و يدخلهم الجنة ، و يقعدوا فترة و بعد كده سيفنوا ، (تلك الجنة التي نورث من عبادنا من كان تقياً) .

{وَمَا نَنْزِلُ إِلَّا بِأَمْرِ رَبِّكَ لَهُ مَا بَيْنَ أَيْدِينَا وَمَا خَلْفَنَا وَمَا بَيْنَ ذَلِكَ وَمَا كَانَ رَبُّكَ نَسِيًّا} :

(و ما ننزل إلا بأمر ربك) مين بيتكلم هنا؟ جبريل و الملائكة ، جبريل اللي هو ملاك الوحي ، و الملائكة المدبرين ، اللي هم بيتنزلوا على الأنبياء ، (و ما ننزل إلا بأمر ربك) بيكلموا النبي و كل نبي ، يقولوا إحنا ما بنزلش/لا ننزل إلا بأوامر من ربنا ، (له ما بين أيدينا) يعني يملك مستقبلنا ، (و ما خلفنا) أي و ماضينا ، (و ما بين ذلك) ما بين مستقبل و إيه؟ و الماضي ، اللي هو الحاضر ، إذاً (له ما بين أيدينا) : المستقبل ، يملكه و يعرفه ، (و ما خلفنا) يعرف ماضينا ، (و ما بين ذلك) أي يعرف حاضرننا ، الملائكة هنا اللي بتكلم مع النبي ، (و ما كان ربك نسياً) ربنا ما بينساش/لا ينسى ، ربنا فاكِر ، فاكِر كل حاجة ، فاكِر كل حاجة لدرجة مخيفة و لدرجة رهيبة ، إن إنت بتبقى في حالة من الرهبة و الخوف لما يتحقق وعد الله عز و جل ، و تشوف أد/قد إيه إن ربنا ليس بنسي و لا ينسى ، و ده في حد ذاته أمر يبعث على الرهبة و الخشوع والخشية ، حد عنده سؤال ثاني؟ .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلِّ يا ربي و سلم على أنبياءك الكرام محمد و أحمد و يوسف بن المسيح صلوات

تلو صلوات طيبات مباركات ، و على أنبياء عهد محمد  
الآتين في مستقبل قرون السنين أجمعين . آمين . 🌿💙

## درس القرآن و تفسير الوجه السادس من مريم .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام المدود الخاصة , ثم قام بقراءة الوجه السادس من أوجه سورة مريم ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السادس من أوجه سورة مريم ، و نبدأ بأحكام التلاوة و أحمد :

المدود الخاصة و تمد بمقدار حركتين ، و هي :

- مد لين مثل بيت ، خوف .
- مد عوض مثل أبدا ، أحدا
- مد بدل مثل آدم ، أزر .
- مد الفرق مثل الله ، الذكرين .

و ثم تابع نبي الله يوسف الثاني ﷺ الجلسة بشرح الوجه لنا فقال :

هذا الوجه يُبين الله سبحانه و تعالى فيه بعض صفاته المقدسة ، تمام؟ الذي تحدث عنها الملائكة ، في نهاية الوجه السابق ، عندما قالوا (و ما ننزل إلا بأمر ربك) الملائكة ، جبريل و الملائكة ، جبريل ملاك الوحي العظيم المقدس ، أكثر تقديساً طبعاً عند المسلمين ، اللي هو ملاك الوحي صِدِّيقون ، آئل ، تمام؟ ، و من ضمن الملائكة الثانية ؛ رئيس الملائكة المحاربين اللي هو ميكائيل ، اللي بيسموه في المدرسة ، في الابتدائي ، اللي هو إيه؟ الموكل بالسُّحب ، صح؟ حركة السحاب و الأمطار ، لأن مياه الأمطار و الغيث إيه؟ بتقتل الشياطين و مردة الجن كما ورد في الأثر النبوي إيه؟ الشريف ، و تُبطل السحر و العين و الحسد من الناحية الروحية و المعنوية ، فلذلك سُمي ميكائيل : ملاك المُوكل بالسُّحب ، و لكنه في حقيقة الأمر إيه؟ رئيس جند و عسكر الملائكة ، و مين ملاك الوحي؟ جبريل -عليه السلام- ، الملائكة كلهم بشكل عام بيتكلموا ، بيقولوا : (و ما ننزل إلا بأمر ربك) بيكلموا النبي و كل نبي ، (له ما بين أيدينا) يعرف مستقبلنا ، (و ما خلفنا) و يعرف ماضينا ، (و ما بين ذلك) و يعرف حاضرنا ، (و ما كان ربك نسياً) ربنا ما بينساش ، و ده أمر بيبعث على الخوف و الخشية و الرهبة و الخشوع .

{رَبُّ السَّمَاوَاتِ وَالْأَرْضِ وَمَا بَيْنَهُمَا فَاعْبُدْهُ وَاصْطَبِرْ لِعِبَادَتِهِ هَلْ تَعْلَمُ لَهُ سَمِيًّا} :

ربنا بيكمل إيه؟ صفاته سبحانه و تعالى ، فيقول ﷻ رب السماوات و الأرض و ما بينهما) كل السماوات اللي إنت شايفها و الأرض اللي إنت عليها ، (و ما بينهما) و الأكوان التي بين إيه؟ السماوات و الأرض يعني بين الأكوان اللي إنت مش شايفها ، ده معناه (و ما بينهما) ، ماله بقى؟ (فاعبده) بيأمر النبي و كل نبي و المؤمنين ، (فاعبده و اصطر لعبادته) اصبر على عبادة الله ، و من مظاهر الصبر في الشعائر و العبادات إيه؟ الصيام ، تمام؟ و الزكاة و الحج و الصلاة و الشهادة ، الشهادتين . الصيام ، الصيام عن إيه؟ عن كل محرم ، مش الأكل و الشرب بس/فقط في نهار رمضان أو في نهار يوم الصيام مثلاً ، لأ ، الصيام عن كل مُحرم ، الصيام عن كل آفة حسية و معنوية ، محتاجة صبر ، و الصبر كله خير ، لأن الصبر هو صلة البر ، صاد صلة ، بر ، الصبر ، و الصبر كله خير ، و مبدأ قانون إيه؟ العصر ، هو الصبر الذي يمنع خسران الإنسان ، بل يجعله في ترقى مستمر ، يوماً تلو يوم ، و زمناً تلو زمن ، (فاعبده و اصطر لعبادته) إذاً الصيام محتاج صبر ، و الصيام أنواع ، و الزكاة محتاجة صبر ، و الزكاة أنواع ، و الحج محتاج صبر ، و الحج نوع واحد ؛ أن تحج لله الواحد ، و الصلاة أي الدعاء و كذلك الصلوات المفروضات محتاجة صبر ، مش إحنا كل يوم بنقول الأذكار بعد صلاة الفجر و في آخر النهار و نلتزم بالرقية الشرعية ، دي صلاة و هي دعاء ، و الدعاء مخ العبادة ، كذلك الصلاة : الصلوات المفروضات ، تمام؟ كل ده محتاج صبر ، الشهادتين اللي هي يجب إن إحنا نحققها باللسان و بالعمل و بالنية ، تمام ؟ ، كل ده بيُعبد الإنسان ، الأمور الخمسة دي ، محتاج صبر و آخرها خير و مثالها إلى خير ، و محتاج صبر و هي في حد ذاتها تُعبد الإنسان

يعني تُهييء الإنسان ، تُعبده ، نقول إليه : عَبَّدْتُ الطريق أي هَيَّأْتَهُ ، عَبَّدْتُ الشجرة أي قطعت إِيَّاهُ؟ الأشجار أو الحطب ، هَيَّأْتُهَا لِكَيْ تُصَلَّاهُ وَإِيَّاهُ؟ وَتُسْتَدْفِيءَ بِهَا ، فالإنسان لما يُعَبِّد نفسه لله أي يُهييء نفسه لكي يكون أهلاً لوصال الله فيرث الجنة ، فيكون من المحسنين الذين يرثون الجنة إلى ما لانهاية ، في جنات متتاليات ، لا يفنوا ، مِين اللّٰهِي هِيَفْنِي؟ اللّٰهِي هِيَخْش/هِيَدْخُل النار و بعد كده ربنا يرحمه و يَدْخُلُه الجنة ، فيقعد فترة و يفنى ، لكن مِين اللّٰهِي مَشْ هِيَفْنِي؟ اللّٰهِي هِيَدْخُل الجنة ابتداءً جزاء إحسانه و جزاء تقواه ، لأن التقوى هي الإحسان ، التقوى هي الإحسان ، التقوى هي أن تجعل بينك و بين عذاب الله وقاية ، و مِين اللّٰهِي هِيَجْعَل بَيْنَهُ و بين عذاب الله وقاية غير المُحْسِن و المُرَاقِب ، أي المُرَاقِب لله ، أي الذي يستشعر مراقبة الله عز و جل فيُحْسِن ، هو ده اللّٰهِي هِيَرْث الجنة وراثته أبدية لا نهائية ، لذلك هذه الوراثة تستلزم التعبيد ، أن تُعَبِّد نفسك لله ، و التعبيد ده بِيَجِي/بِيَأْتِي مِنْ إِيَّاهُ؟ مِنْ الْأَعْمَالِ و الْأَقْوَالِ و النِّيَّاتِ مُلَخَّصَةً فِي أَرْكَانِ الْإِسْلَامِ الْخَمْسَةِ اللّٰهِي إِنْحَا قَلْبَانَا : الشَّاهِدَتَيْنِ ، الصِّيَامِ ، الزَّكَاةِ ، الصَّلَاةِ ، الْحَجِّ ، و الْحَجِّ مَشْ لِمَكَّةَ بِس/فَقَطْ ، يَعْنِي الْحَجَّ لِمَكَّةَ دَه رَمَزْ ، لكن أصل الإنسان بِيَحْج بِقَلْبِهِ لله عز و جل ، تمام؟ ، (فاعبده و اصطبر لعبادته) لأن العبادة دي و التعبيد ده محتاج صبر بحسب قانون إِيَّاهُ؟ سورة العصر (و العصر ٥ إن الإنسان لفي خسر ٥ إلا الذين آمنوا و عملوا الصالحات و تواصلوا بالحق و تواصلوا بالصبر) ، (هل تعلم له سميّاً) تعرف حد/أحد مُشَابِه و مثيل لله عز و جل؟؟ مَافِيْش/لا يَوجَد ، هل هناك مثيل لله أو نظير لله أو شبيه لله؟؟؟ ليس له سَمِي ، يعني ليس له مثيل .

{وَيَقُولُ الْإِنْسَانُ أَإِذَا مَا مِتُّ لَسَوْفَ أُخْرَجُ حَيًّا} :

(و يقول الإنسان أئذا ما مت لسوف أخرج حياً) طبعاً (هل تعلم له سمياً) يعني ليس لأحد أسماء حسنى مثل الله عز و جل ، ليس لأحد أسماء حسنى تفيض على الخلق و الكون و الأكوان مثل أسماء الله الحسنى التي تفيض بلا نهاية و بلا تعطل ، (و يقول الإنسان أئذا ما مت لسوف أخرج حياً) ربنا إيه؟ بيذكر تساؤل الإنسان عن البعث ، فبيقول : (و يقول الإنسان أئذا ما مت) يعني لو مُت ، (لسوف أخرج حياً) هل سيتم بعثي مرة أخرى بعد الموت ؟، ربنا بيرد عليهم بقى .

{أَوَلَا يَذْكُرُ الْإِنْسَانُ أَنَّا خَلَقْنَاهُ مِنْ قَبْلُ وَلَمْ يَكُ شَيْئًا} :

ربنا بيرد عليهم بقى (أولا يذكر الإنسان أننا خلقناه من قبل و لم يك شيئاً) الإنسان كان عدم و بعد كده ربنا خلقه من العدم ، فالإله الذي يخلق من العدم ، قادر على إعادة الخلق و على إعادة الخلق مرة أخرى ، و الإيمان بالبعث هو أحد أركان الإيمان الستة ، إيه هم أركان الإيمان الستة؟ أن تؤمن بالله و ملائكته و كتبه و رسله و اليوم الآخر و القدر خيره و شره ، إذا ده الركن الخامس من أركان الإيمان ، الإيمان بالبعث ، (أولا يذكر الإنسان أننا خلقنا من قبل و لم يك شيئاً) .

{فَوَرَبِّكَ لَنَحْشُرَنَّهُمْ وَالشَّيَاطِينَ ثُمَّ لَنُحْضِرَنَّهُمْ حَوْلَ جَهَنَّمَ جِثِيًّا} :

ربنا يُقسم بقى ، (فوربك) ربنا يُقسم بنفسه ، (فوربك) يا محمد يعني ، (فوربك لنحشرنهم و الشياطين ثم لنحضرنهم حول جهنم جثياً) الكافرين و الشياطين كمان هُيُعَذَّبُوا ، و ده رد على اللي بيقول إذا كان الشيطان من النار ، يبقى إزاي يخش/يدخل النار؟؟؟ طبعاً ده تساؤل إيه؟ تساؤل تافه ، لأن الشياطين و إبليس زعيمهم في جهنم يُعَذَّبُونَ إلى مالانهاية ، (فوربك لنحشرنهم و الشياطين ثم لنحضرنهم حول جهنم جثياً) ربنا بيمثل الصورة المُهينة و المُذلة لأولئك الكافرين و شياطينهم ، هم يتربطوا بالسلاسل ، الملايكة هتربطهم بالسلاسل و يجعلوهم يجثون ، يعني إيه؟ يركعون على ركبهم حول جهنم ، من إيه؟ من الذلة ، كأن جهنم دي حفرة كبيرة عميقة عظيمة ، تجرها الملايكة بالسلاسل و تُسَلِّسَل الكافرين و الشياطين حولها جثياً ، جاثين كده ، في حالة من الإيـه؟ من الألم و الندم و الخوف .

{ثُمَّ لَنَنْزِعَنَّ مِنْ كُلِّ شِيعَةٍ أَيُّهُمْ أَشَدُّ عَلَى الرَّحْمَنِ عِتِيًّا} :

(ثم لننزعن من كل شيعة أيهم أشد على الرحمن عتياً) كل مجموعة كفرت بالله عز و جل و بأنبياء الله ، هنطلع/سنُخرج من كل مجموعة أشد كافرين بالأنبياء ، و أكفر الكافرين هيخرجوهم عشان يبقوا/يصبحوا إيه؟؟ آه ، يبقوا/يصبحوا عبرة ، تمام؟ ، ربنا إيه؟ يخرجهم ، العتاه ،

عشان يبقوا عبرة للباقيين ، (ثم لننزعن من كل شيعة أيهم أشد على الرحمن عتياً) نزع ، أي إيه؟ بإهانة .

{ثُمَّ لَنَحْنُ أَعْلَمُ بِالَّذِينَ هُمْ أَوْلَىٰ بِهَا صِلِيًّا} :

(ثم لنحن أعلم بالذين هم أولى بها صلياً) إحنا نعرف ، ربنا سبحانه و تعالى يعرف و يعلم أولى الناس و أولاهم بإيه؟ بجهنم ، تمام؟ لأن ربنا عنده علم الكتاب و يعلم الغيب .

{وَإِنْ مِّنكُمْ إِلَّا وَارِدُهَا كَانَ عَلَىٰ رَبِّكَ حَتْمًا مَّقْضِيًّا} :

(و إن منكم إلا واردها) الصراط ، الصراط اللي هو بقى فوق جهنم ، كل المخلوقات المكلفة هتعدى/ستعبر عليه ، مين اللي هيعدى/سيعبر؟ المؤمنين هم اللي هيعدوا/سيعبروا عليه بسرعات مختلفة ، منهم اللي هيعدى/سيعبر كالبرق ، و مين اللي هيعدى/سيعبر إيه؟ زي إيه؟ ركض الخيل ، و مين اللي إيه؟ هيهرول ، و مين اللي إيه؟ هيمشي ، و مين اللي إيه؟ هتتخطفه جهنم و العياذ بالله ، (و إن منكم إلا واردها كان على ربك حتماً مقضياً) ده قضاء مقدور ، أن الناس كلها ، كل المكلفين من الإنس و الجن و الأكوان ، كلهم هيعدوا/سيعبروا على الصراط اللي فوق جهنم .

{ثُمَّ نُنَجِّي الَّذِينَ اتَّقَوْا وَنَذَرُ الظَّالِمِينَ فِيهَا جِثِيًّا} :

(ثم ننجي الذين اتقوا و نذر الظالمين فيها جثياً) الذي اتقى و أحسن ؛ ربنا هينجيه ، (و نذر الظالمين فيها جثياً) الظالمين هيتساقطوا في جهنم و العياذ بالله ، جاثين أي إيه؟ يملأوهم الخزي و المهانة و العار .

{وَإِذَا تَتْلَى عَلَيْهِمْ آيَاتُنَا بَيِّنَاتٍ قَالَ الَّذِينَ كَفَرُوا لِلَّذِينَ آمَنُوا أَيُّ الْفَرِيقَيْنِ خَيْرٌ مَقَامًا وَأَحْسَنُ نَدِيًّا} :

(و إذا تتلى عليهم آياتنا بينات قال الذين كفروا للذين آمنوا أي الفريقين خير مقاماً و أحسن ندياً) ده في الإيه؟ في الدنيا ، لما المؤمنين يتدارسوا تعليمات الأنبياء و تعاليم الأنبياء و تزكية الأنبياء و أقوال الأنبياء ، تجد الكافرين ببسخروا منهم ، ببسخروا منهم و بيعايروهم بإيه؟ بالأمر الدنيوية ، يقولوا لهم إنتو/أنتم فقراء أراذل ضعفاء ، لكن إحنا/نحن أقوىاء معنا الدنيا و حياة ندية ، حياتنا ندية ، رغبة ، نضرة ، و أنتم فقراء عشان كده رحتو/ذهبتو للدين و رحتو لتعاليم الأنبياء ، عشان ما عندكمش دنيا ، دي حُجة الكفار في الدنيا ، أهو ، (و إذا تتلى عليهم آياتنا بينات) من خلال الأنبياء و المؤمنين ، (قال الذين كفروا للذين آمنوا أي الفريقين خير مقاماً و أحسن ندياً) يقولوا إحنا من عائلات كبيرة ، إحنا معنا مناصب و مراكز ، إحنا معنا أموال و نفوذ و سلطات ، مش محتاجين للإيمان بتاعكو ده ، مش محتاجين للأنبياء بتاعوتكم دول/هؤلاء ، مش محتاجين للتزكية بتاعتكم دي ، دي بتاعت الناس الفقراء ، المساكين

اللي زيكو ، يتشاغلوا بها ، دي حجة الكفار في الدنيا ، ربنا بيحكىها هنا أهو ، ربنا ييفصل لنا نفسية الكفار و المنافقين عشان نفهمهم ، و ما نوقعش في الشراك بتاعهم .

{وَكَمْ أَهْلَكْنَا قَبْلَهُمْ مِّنْ قَرْنٍ هُمْ أَحْسَنُ أَثَاً وَرَثَاً} :

(و كم أهلكننا قبلهم من قرن) رينا بقى إيه؟ بيذكرنا ، (و كم أهلكننا قبلهم من قرن هم أحسن أثاثاً و رثياً) أهلكننا كفار كثير يا مؤمنين ، زي دول/هؤلاء اللي بيتكبروا عليكم ، (أحسن منهم أثاثاً) تأثيث يعني ، (و رثياً) شكلهم إيه؟ حلو في الظاهر ، و مرانين في الظاهر ، و (رثياً) ، (أحسن أثاثاً و رثياً) يعني مرانين ، يتفاخروا في الأموال و الأثاث ، ها؟؟ و العربيات و القصور و الزروع و المناصب ، من الرياء و التفاخر ، فربنا بيقول لهم إيه؟ تسلية للمؤمنين ، (و كم أهلكننا قبلهم من قرن هم أحسن أثاثاً و رثياً) و قرن يعني إيه؟ كل ١٠٠ سنة مثلاً ، و كذلك قرن من قوة ، يعني أمة إيه؟ قوية مادياً ، ربنا أهلكتها ، لأن القرن رمز للقوة ، كذلك القرن أي إيه؟ ١٠٠ سنة ، فالمعنيان إيه؟ يصطلحان مع اللفظ هنا ، يصطلح المعنيان مع اللفظ ، (و كم أهلكننا قبلهم من قرن هم أحسن أثاثاً و رثياً) .

{قُلْ مَنْ كَانَ فِي الضَّلَالَةِ فَلْيَمْدُدْ لَهُ الرَّحْمَنُ مَدًّا حَتَّىٰ إِذَا رَأَوْا مَا يُوعَدُونَ إِمَّا الْعَذَابَ وَإِمَّا السَّاعَةَ فَسَيَعْلَمُونَ مَنْ هُوَ شَرٌّ مَّكَانًا وَأَضْعَفُ جُنْدًا} :

(قل من كان في الضلالة فليمدد له الرحمن مداً حتى إذا رأوا ما يوعدون إما العذاب و إما الساعة فسيعلمون من هو شر مكاناً و أضعف جنداً) النعيم اللي هم فيه ده ، ربنا بيقول إن هو/إنه مد ، يعني إيه؟ فتنة ، عشان يفضلوا/يظلموا فيها ناسيين الإيمان و ناسين الأنبياء ، ربنا إيه؟ بيخلصهم/يجعلهم يضلوا و يزيّدوا ضلالاً ، لأن هم/لأنهم قلوب منكرة ، و قلوب كافرة و متكبرة و مرائية و مشركة ، فلا تستحق الإيمان ، لما يطهروا أنفسهم ، يستحقوا الإيمان ، فلما ربنا رأى فيهم إنهم لا يستحقون الإيمان ، مَدَّ لهم ، في إيه؟ في نعيم الدنيا ، عشان يفضلوا/يظلموا غافلين ، عشان يخسروا الخُسران إيه؟ الأزلي الأبدى ، اللي هو إيه؟ لا يُخلدوا في الجنة ، تمام؟ هو ده الخُسران الأبدى ، صح؟ في أكبر من كده خُسران؟؟؟ ، (قل من كان في الضلالة) أي في الدنيا ضال ، كافر بالأنبياء ، متكبر على المؤمنين ، مرائي ، (فليمدد له الرحمن مداً) ربنا هيمد له/سيُمد له في نعيم الدنيا المادي ، (حتى إذا رأوا ما يوعدون) ربنا بقى إيه؟ هيجيب لهم الإيه؟ الوعيد في الدنيا قبل الآخرة ، و حاجة من اتنين : (إما العذاب و إما الساعة) يعني عذاب و ابتلاء شديد ، أو الساعة ؛ أو نهاية الأمة دي نهائياً ، مش الساعة معناها القيامة الكبرى ، لأ ، الساعة يعني نهاية الإيه؟ الأمة الكافرة دي ، و كم من أمم إيه؟ إنتهت و زالت ، و كم من أمم عُذبت و أُبتليت ، و لكن لم تزول عن بكرة أبيها ، فربنا اللي بيختار أسلوب إيه؟ التعامل مع الأمم الكافرة ، (إما العذاب و إما الساعة) طيب ، كفار قریش كانت إيه؟ كان عذاب في الأول ؛ في المعارك ، و بعد كده الساعة ، إيه هي الساعة؟ فتح مكة ، و في أمم كان عذاب بس/فقط ، و في أمم ساعة بس/فقط يعني نهاية بس ، تمام؟ ، (فسيعلمون من هو شر مكاناً و

أضعف جنداً) ساعتها بقى هيعرفوا إن هم/إنهم شر مكان ، مكانهم شر ، و جنودهم ضعيفة أمام جنود الله عز و جل ، أمام جنود الله الغير متوقعة ، لأن دائماً كده عسكر الإله غير متوقع ، طارق ، يطرق بليل على بغتة .

{وَيَزِيدُ اللَّهُ الَّذِينَ اهْتَدَوْا هُدًى وَالْبَاقِيَاتُ الصَّالِحَاتُ خَيْرٌ عِندَ رَبِّكَ ثَوَابًا وَخَيْرٌ مَّرَدًّا} :

(و يزيد الله الذين اهتدوا هدى) اللي اهتدى ربنا هيزيده هدى في الدنيا و الآخرة ، (و الباقيات الصالحات) الأعمال الباقية الصالحات ، (خير عند ربك) يوم القيامة ، (خير عند ربك ثواباً و خير مرداً) مردودها يوم القيامة هو الخير ، كل الخير ، و ده بيكون بإيه؟ بالتعبيد ، بتعبيد إيه؟ بتعبيد النفس ، أي بتهيئها لوصال الله عز و جل ، و التعبيد ده إيه؟ يحتاج إلى صبر ، و الصبر ده بنتعامل فيه مع الأركان الخمسة للإسلام و الأركان الستة للإيمان ، لنصل إلى الإحسان الذي هو مفتاح الخلود في الجنات المتتاليات ، تمام؟ ، اللي هو إيه؟ الإحسان ، و عرفنا في سورة مريم إن (كهيعص) هو مفتاح إيه؟ هو مفتاح الولايات و الآيات ، مفتاح الولايات : (كهيعص) ، تمام؟ ، و الآيات : (ص) ، صح؟؟ . طيب ، حد عنده أي سؤال تاني؟ .

● و قرأ أحمد آيات من سورة القيامة ، و صحح نبي الله الحبيب يوسف الثاني ﷺ تلاوته ، و ثم قال نبي الله : أحسنت ، و هذه الآيات يتحدث فيها ربنا سبحانه و تعالى عن يوم الآخر و عن البعث ، و هو أمر حتمي مقضي ،

قضاه الله سبحانه و تعالى منذ الأزل ، لكل كون ، لكل كون  
كان و سيكون .

---

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه  
و سلم ، سبحانك اللهم و بحمدك ، أشهد أن لا إله إلا أنت ،  
أستغفرك و أتوب إليك .

---

و الحمد لله رب العالمين . و صلّ يا ربي و سلم على  
أنبياءك الكرام محمد و أحمد و يوسف بن المسيح صلوات  
تلو صلوات طيبات مباركات ، و على أنبياء عهد محمد  
الآتين في مستقبل قرون السنين أجمعين . آمين . 🍀💙

## درس القرآن و تفسير الوجه السابع من مريم .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الوقف و السكت , ثم قام بقراءة الوجه السابع و الأخير من أوجه سورة مريم ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السابع و الأخير من أوجه سورة مريم ، و نبدأ بأحكام التلاوة و مروان :

الوقف :

ج (وقف جائز) , قلبي (الوقف أفضل لكن الوصل جائز) , صلي (الوصل أفضل لكن الوقف جائز) , لا (ممنوع الوقف) , ما (وقف لازم) , وقف التعانق و هو لو وقفت عند العلامة الأولى فلا تقف عند العلامة الثانية و لو وقفت عند الثانية لا تقف عند الأولى) .

و السكت :

هو حرف السين ، و هو وقف لطيف دون أخذ النفس ،  
مثل : من راق ، بل ران .

و ثم تابع نبي الله يوسف الثاني ﷺ الجلسة بشرح  
الوجه لنا فقال :

ربنا سبحانه و تعالى يُخبر عن صفات الكافرين أنهم  
متكبرين ، و أنهم متفاخرين بالباطل .

{أَفَرَأَيْتَ الَّذِي كَفَرَ بِآيَاتِنَا وَقَالَ لَأُوتِيَنَّ مَالًا وَوَلَدًا} :

(أفرايت الذي كفر بآياتنا و قال لأوتين مالا و ولداً)  
طبعاً العبرة بعموم اللفظ لا بخصوص السبب ، يعني  
يُقال في التفاسير القديمة إن الآية دي نزلت في أحد  
كفار قريش اسمه العاصي ابن وائل ، كان يُفخر  
بكفره و يقول أنه إذا كان هناك بعث سيحدث في اليوم  
الآخر ، فسوف آتي و لدي أموال و أولاد ، هكذا ،  
كبراً بالباطل ، يقول تعالى : (أفرايت الذي كفر بآياتنا)  
كل كافر بآيات الله عز و جل و إيه؟ و دعوة الأنبياء ،  
(و قال لأوتين مالا و ولداً) أي في اليوم الآخر يعني ،  
بيتحدى الأنبياء و بيتحدى الله عز و جل ، رغم كفره ،  
ربنا بيرد بقى عليه و يقول إيه؟

{أَطَّلَعَ الْغَيْبَ أَمْ اتَّخَذَ عِنْدَ الرَّحْمَنِ عَهْدًا} :

ربنا بيرد بقى عليه و يقول إيه؟ (أطلع الغيب) هو  
شاف الغيب يعني؟؟ عنده علم الغيب؟؟ ، (أم اتخذ عند  
الرحمن عهداً) يعني عندك عهد من الله عز و جل و

وعد إن أنت ستؤتي أموال و أولاد في اليوم الآخر ،  
 ده طبعاً إيه؟ سؤال استنكاري .

{كَلَّا سَنَكْتُبُ مَا يَقُولُ وَنَمُدُّ لَهُ مِنَ الْعَذَابِ مَدًّا} :

(كلا) كلا هنا نفى و ردع ، للنفي و للردع و للترهيب  
 ، (كلا سنكتب ما يقول) اللي بيقوله ده هيتكتب في  
 السجل بتاعه ، في الكتاب بتاعه ، (و نمده من  
 العذاب مداً) هنديله/سنعطيه عذاب مديد أكثر ما هو  
 إيه؟ ممدود لأي كافر تاني ، (و نمده من العذاب  
 مداً) نديله/نُعطيّه مد زيادة ، ده دليل إن النار إيه؟ تفنى  
 ، لو كانت النار أبدية أزلية ، أبدية خالص ، ربنا  
 مايقولش/لا يقول (و نمده من العذاب) هو أصلاً كده  
 كده ممدود إلى ما لا نهاية ، صح؟ ف دي قرينة  
 أخرى على أن جهنم تفنى ، تمام؟ و أن من فيها يدخل  
 من المكلفين يعني ، يدخل الجنة و ثم بعد ذلك ، بعد  
 أحيان إيه؟ يراها الله عز و جل و يُقدرها الله سبحانه و  
 تعالى ، يُفنيهم إقتضاءً لغيره الله عز و جل و هو ما  
 قاله الإمام المهدي عليه السلام ، (أطلع الغيب أم اتخذ عند  
 الرحمن عهداً ✕ كلا سنكتب ما يقول و نمده من  
 العذاب مداً) و بعدين؟ .

{وَنَرِثُهُ مَا يَقُولُ وَيَأْتِينَا فَرْدًا} :

و بعدين؟ (و نرثه ما يقول) هنخليه/سنجعله يورث  
 أقواله دي يوم القيامة ، يعني الأقوال بتاعته دي السيئة  
 هتتمثل يوم القيامة بعذاب أليم ، أياً كان بقى ؛ أفاعي ،  
 عقارب ، تمام؟ ده تصوير يعني مجازي ، الأفعال دي  
 ستتمثل و سيرتها يوم القيامة ذلك الكافر ، و بس مش

كده(ليس هذا فقط) ، (و يأتينا فرداً) هيجي/سيأتي وحده ، مش بعزوته اللي بيتفاخر بها و بأمواله اللي بيتفاخر بها ، أبداً ، كل واحد هيجي لوحده فرداً ، يعني كل واحد هيتحاسب لوحده ، و ده اللي ربنا أكدده إيه؟ في نهاية إيه؟ الوجه ، (و كلهم آتية يوم القيامة فرداً) صح؟ طيب ، (و نرثه ما يقول و يأتينا فرداً) .

{وَاتَّخَذُوا مِنْ دُونِ اللَّهِ آلِهَةً لِّيَكُونُوا لَهُمْ عِزًّا} :

(و اتخذوا من دون الله آلهة) الكفار دول/هؤلاء أشركوا مع الله عز و جل و اتخذوا آلهة من دون الله ، (ليكونوا لهم عزا) بيعتزوا بهم ، بيستنصروا بهم ، و بيتفاخروا بهم بين القبائل و بين الأمم ، و دي بُغية إتخاذ الإله ، أن تعتز بذلك الإله و تستنصر به و تطلب منه النصر ، (و اتخذوا من دون الله آلهة ليكونوا لهم عزاً) .

{كَلَّا سَيَكْفُرُونَ بِعِبَادَتِهِمْ وَيَكُونُونَ عَلَيْهِمْ ضِدًّا} :

(كلا) ربنا هنا برضو بينفي و بيردع و بيُعطيهم تخويف و ترهيب ، (كلا) أبداً ، (سيكفرون بعبادتهم) اللي إنتو اتخذتموهم آلهة من دوني هيكفروا بكم و هيتبرؤا منكم ، (سيكفرون بعبادتهم و يكونون عليهم ضداً) هيتقابلوا عليهم و هيكفروا أضداد لهم و أعداء لهم يوم القيامة ، لأن كل شيء خاضع لله عز و جل .

{أَلَمْ تَرَ أَنَّا أَرْسَلْنَا الشَّيَاطِينَ عَلَى الْكَافِرِينَ تَؤْزُهُمْ أَزًّا} :

(ألم تر أننا أرسلنا الشياطين على الكافرين تؤزهم أزاً) بشؤم معاصيهم و بشؤم كفرهم و بشؤم شركهم سُلِطت عليهم الشياطين ، سُلِطت عليهم الشياطين ، لأن هذه الدنيا هي دار ابتلاء و اختبار ، فمن أشرك و كفر و عصى الله عز و جل تُسلط عليه الشياطين ، هتعمل فيه إيه؟ الشياطين تؤزه أزاً ، الكلام ده إيه؟ إحنا شرحناه قبل كده كتير ، تؤزه أزاً ، و صوت الأزيز ده صوت الذنب في الرؤيا ، صوت تردد كرة زجاجة مصقولة على سطح أملس ، الصوت ده ، هو ده ، هو تعبير و تمثيل للذنب في الرؤى ، فربنا بيعبر بهذا الصوت عن ذنوب الكافرين من شياطين الإنس و ما تفعله بهم شياطين إيه؟ الجن ، (ألم تر أننا أرسلنا الشياطين على الكافرين تؤزهم أزاً) يعني بتحركهم و بتجعلهم يتقلبون في شؤم معاصيهم و لعنات ذنوبهم ، فهذا هو الأزيز ، فهكذا الشياطين تؤزهم أزاً ، أي تجعلهم يتقلبون في نحس معاصيهم و لعنات ذنوبهم و العياذ بالله .

{فَلَا تَعْجَلْ عَلَيْهِمْ إِنَّمَا نَعُدُّ لَهُمْ عَذَابٌ} :

(فلا تعجل) ماتستعجلش ، اصبر ، دائماً كده ربنا بيوصي الأنبياء ، و الأنبياء دائماً بيوصوا المؤمنين بنفس الإيه؟ بنفس الصفة دي ، الصبر و عدم العجلة ، (فلا تعجل عليهم) طيب واحد يقول سؤال كده ، واحد ملحد مجرم ، يقول : و ليه نصبر يعني ، مش عندنا إله ، أول ما ندعوه على طول يستجيب ، و نصبر ليه على الإبتلاء و الكافرين ، و المظلوم ليه يصبر على ظلم الظالم؟ ، نقول : عشان الدنيا دي دار إبتلاء و إختبار ، فينظر الله سبحانه و تعالى كيف تعمل ،

فيزيدك درجات و ثواب ، و ماتخفش ربنا يُملِي للظالم حتى إذا أخذه لم يفلته ، هو ربنا هيقول هنا أهو ، ربنا هيقول (إنما نعد لهم عدا) يعني في عد معدود هيخْلُصُوهُ ، و ربنا عارف العدد ، و بعدها هيكون الساعة لهم أو نهايتهم أو العذاب المُقدر ، (فلا تعجل عليهم) ماتستعجلش ، اصبر ، دائماً كده ، (إنما نعد لهم عدا) ، في عد مخصوص محفوظ مُقدر في ذات الله عز و جل ، ربنا سبحانه و تعالى إيه؟ هو اللي يعلمه ، أول ما العدد يخلص ، تأتي الساعة ، ساعة ذلك الظالم أو ساعة ذلك الكافر أو ساعة تلك الأمة الظالمة ، نهايتها يعني .

{يَوْمَ نَحْشُرُ الْمُتَّقِينَ إِلَى الرَّحْمَنِ وَفْدًا} :

(يوم نحشر المتقين إلى الرحمن وفداً) يوم القيامة المتقين هيروحوا لله مكرمين ، وفد كده ، داخل على الملك ، شايف اللفظ هنا بيبعر عن الإكرام ، وفد ، وفد مُكرم ، يُحتفى به .

{وَنَسُوقُ الْمُجْرِمِينَ إِلَى جَهَنَّمَ وَرْدًا} :

و بعدين الكفار بقى إيه؟ (و نسوق المجرمين إلى جهنم ورداً) المجرمين و الكفار يساقوا كده كالبهائم ، كالأنعام ، ها ، يعني يتضربوا بالشلايت/شلايط ، كأن الملائكة تضربهم بالشلايت و تضربهم على قفاهم ، و إيه؟ و مكبلاهم بالسلاسل و الأغلال ، صح؟ يُساقون بكل إهانة و بكل تحقير ، (و نسوق المجرمين إلى جهنم ورداً) يعني وارد ، وارد جهنم ، كأنهم بضاعة إيه؟ بيوردوها الملائكة لجهنم ، شوفتوا

الإهانة؟؟؟ وارد ، يورد عليهم يا لله/هيا ، النهاردة  
 كمان كم؟ ألف/١٠٠٠ ، خش يا لله/هيا ، مليون  
 خش/ادخل ، كده ، ليس لهم قيمة لأنهم مهانون ،  
 لماذا؟ لأنهم أهانوا الله ورسله ، أهانوا الله ورسله و  
 المؤمنين ، فكان جزاؤهم من جنس أعمالهم ، (و  
 نسوق المجرمين إلى جهنم ورداً) .

{ لَا يَمْلِكُونَ الشَّفَاعَةَ إِلَّا مَنِ اتَّخَذَ عِنْدَ الرَّحْمَنِ عَهْدًا } :

(لا يملكون الشفاعة إلا من اتخذ عند الرحمن عهداً)  
 كل اللي هيبعثوا يوم القيامة ، سواء أكانوا من المتقين  
 أو من المجرمين ، (لا يملكون الشفاعة) محدش يقدر  
 يشفع عند الله عز وجل إلا من اتخذ عند الرحمن عهداً  
 ، يعني ربنا رضي بشفاعته و يأذن له ، تمام؟ ، طيب

{ وَقَالُوا اتَّخَذَ الرَّحْمَنُ وَلَدًا } :

(وقالوا اتخذ الرحمن ولداً) المشركين النصارى  
 الكفار ، (وقالوا اتخذ الرحمن ولداً) ربنا إتخذ ولد  
 برضو يا مجرمين ، اللي هو عيسى يعني ، إتخذه ،  
 إتخذه إله مع الله وقالوا : لأ ، ده ابن الله ، عياداً بالله

{ لَقَدْ جِئْتُمْ شَيْئًا إِدًّا } :

(لقد جئتم شيئاً إدّاً) اللي إنتو بتقولوه ده ، قول وثني من  
 ضلالات اليونان و الرومان الوثنيين الكفار المجرمين  
 ، الخبثاء ، عبدة الشياطين ، الذي تستقي منه الحضارة

اليوم ، الحضارة المادية اليوم ، فلسفاتها منها ، من اليونان و الرومان و العياذ بالله ، شوفتوا العالم انحدر إزاي و انحط؟؟ ، العالم انحدر و انحط ، تمام؟ ، (لقد جئتم شيئاً إداً) الشرك ده ، بيُفني النفس و بيقتل النفس ، ليه؟ إدا من وأد ، من الوأد ، بيقولك إيه؟ البنت دي الكفار وأدوها ، يعني إيه؟؟ دفنوها حياة ، موتوها/أمتوها ، الوأد هو إيه؟ الإماتة ، (لقد جئتم شيئاً إداً) يعني يُميت النفس ، الشرك هو اللي يُميت النفس ، يجعلها ميتة ، ماتحسش ، صح؟ ، و دايماً كده الشياطين بتحاول تسلب الناس النعمة الفطرية اللي ربنا أعطاها لها ، بالتدريج كده ، لغاية ما تسلبهم إياها كاملة ، كل النعم الفطرية اللي ربنا إداها/أعطاها للبشر ، الشياطين المجرمين ، سواء أكانوا شياطين إنس أو جن ، بيحاولوا يسلبوا البشر النعم دي بالتدريج ، و يئدوا النعم دي بالتدريج ، (لقد جئتم شيئاً إداً) هذا الشرك يئد الإيمان و يئد النفس و يجعلها ميتة و العياذ بالله ، و بعدين؟ .

{تَكَادُ السَّمَاوَاتُ يَتَفَطَّرْنَ مِنْهُ وَتَنْشَقُّ الْأَرْضُ وَتَخِرُّ الْجِبَالُ هَدًّا} :

و بعدين؟ (تكاد السماوات يتفطرن منه) الشرك ده السماوات تكاد إنها تنشق من عظمة هذا الذنب ، (و تنشق الأرض) كذلك الأرض تنشق من عظمة هذا الذنب ، (و تخر الجبال هداً) تكاد الجبال تنهد من عظمة هذا الذنب و العياذ بالله ، اللي هو الشرك ، الذي إيه؟ يئد الإيمان و يئد النفس أي يُميت الإيمان و يُميت النفس ، و العياذ بالله .

{أَنْ دَعَوْا لِلرَّحْمَنِ وَلَدًا} :

(أن دعوا للرحمن ولداً) الذنب إن هو/إنه دعوا لله ولداً ، إدعوا إن هناك ابن لله عز و جل على الحقيقة يعني ، نحن كلنا أبناء الله ، أي إيه؟ الله إلهنا و يرعانا و يُربينا ، لكن هو المشركين كانوا يقصدوا ابن مادي ، ابن إيه؟ حقيقي ، إن ربنا إيه؟ أتى بابن مادي ، يعني تزوج و جاب/أنجب ابن مادي ، و ده من شركيات الرومان و اليونان و العياذ بالله .

---

{وَمَا يَنْبَغِي لِلرَّحْمَنِ أَنْ يَتَّخِذَ وَلَدًا} :

(و ما ينبغي للرحمن أن يتخذ ولداً) ينفع للرحمن يتخذ ولد؟؟؟؟ ، يبقى دي إيه؟ صفة عز و عدم إستقلالية و عدم صمدية ، عدم صمدية و عدم إستقلالية ، هذا ما نسبوه لله عز و جل ، عندما قالوا (أن دعوا للرحمن ولداً) ، و ربنا بيرد و بيقول (و ما ينبغي للرحمن أن يتخذ ولداً) .

---

{إِنْ كُلُّ مَنْ فِي السَّمَاوَاتِ وَالْأَرْضِ إِلَّا آتِي الرَّحْمَنِ عَبْدًا} :

(إن كل من في السماوات و الأرض إلا آتي الرحمن عبداً) كل شيء في السماوات و الأرض يأتي لله عز و جل عبداً ، فعيسى هو عبد و ليس إله و ليس ابن الله و العياذ بالله .

---

{لَقَدْ أَحْصَاهُمْ وَعَدَّهُمْ عَدًّا} :

(لقد أحصاهم وعدهم عدداً) ربنا سبحانه و تعالى  
أحصى كل المخلوقات و عددهم عدداً .

{وَكُلُّهُمْ آتِيهِ يَوْمَ الْقِيَامَةِ فَرْدًا} :

(و كلهم آتية يوم القيامة فرداً) كل واحد هيتعلق من  
عرقوبه ، يعني كل واحد يأتي يوم القيامة فرداً ،  
يُحاسب بذاته و نفسه فقط ، يُحاسب بذاته ، و لن  
يُحاسب عليه أحد ، ده ربنا هنا بيحمل الناس  
المسؤولية ، بيحملهم المسؤولية علشان يعرفوا إن  
هو/إنه كل واحد فيهم مسؤول عن نفسه يوم القيامة ،  
فبالتالي في الدنيا المفروض يبقى إيه؟ مسؤول عن  
نفسه أمام الله عز و جل ، و بالتالي إيه؟ يبحث عن  
الحقيقة و لا يُعطي إيه؟ عقله لأحد فقط هو يُفرغ فيه  
ما يريد ، لأ ، يبحث عن الله عز و جل و يسأل الله عز  
و جل و يستبصر و يعبر إلى الله عز و جل و إلى  
الإيمان .

{إِنَّ الَّذِينَ آمَنُوا وَعَمِلُوا الصَّالِحَاتِ سَيَجْعَلُ لَهُمُ  
الرَّحْمَنُ وُدًّا} :

(إن الذين آمنوا و عملوا الصالحات سيجعل لهم  
الرحمن وداً) المؤمنين ربنا هيديلهم/سيُعطيهم نعمة ،  
نعمة الوداد ، إن هم في بينهم تواد و تحابب ، تمام؟ ،  
(و نزعنا ما في قلوبهم من غل إخواناً على سرر  
متقابلين) سرور و تقابل بالخير و ود .

{فَإِنَّمَا يَسَّرْنَاهُ بِلِسَانِكَ لِنُبَشِّرَ بِهِ الْمُتَّقِينَ وَنُذِرَ بِهِ قَوْمًا  
لِّدَّاءٍ} :

(فإنما يسرناه بلسانك لنُبشِّرَ به المتقين و تنذر به قوماً  
 لداً) القرآن ده يَسْرِنَاهُ بلسانك ، جعناه على لسانك  
 تنطقه كما أنزل ، بُشْري للمتقين و إنذار لقوم لد ، اللي  
 هم القوم الخَصِمُونَ ، اللد يعني خَصَم ، خصم ، شديد  
 الخصومة ، كذلك اللد يعني إيه؟ كثير شديد الالتصاق  
 ، بيلتصق فيك نتيجة الخصومة ، بيقولك إيه؟ هذا مُلدد  
 أو لدادة ، اللد : الشيء إيه؟ شديد الخصومة أو شديد  
 الالتصاق ، نتيجة الخصومة ، هكذا الكفار ، دائماً إيه؟  
 بياصموا الأنبياء و المؤمنين ، تمام؟ و بيتحرشوا  
 بالأنبياء و المؤمنين و يُخاصموهم و يُعادوهم ، فلذلك  
 ربنا أطلق عليهم صفة قوماً لُداً ، تمام؟ ، من إيه؟ من  
 شدة الخصومة ، (و كادوا يكونون عليه لبداً) لبدا كذلك  
 إيه؟ من شدة الالتصاق ، مُلبَّد ، لبَد ، (كادوا يكونون  
 عليه لبداً) أي ملتصقين به من شدة الخصومة و  
 العراك يعني ، في المعنى المعنوي يعني ، طبعاً ده  
 على المعنى المعنوي .

{وَكَمْ أَهْلَكْنَا قَبْلَهُمْ مِّن قَرْنٍ هَلْ تُحِسُّ مِنْهُمْ مِّنْ أَحَدٍ أَوْ  
 تَسْمَعُ لَهُمْ رِكْزًا} :

(و كم أهلكتنا قبلهم من قرن) في قرون كثيرة جداً  
 أهلكت قبلهم نتيجة كفرهم ، ليه مايباخذوش العبرة  
 يعني؟؟ (هل تحس منهم من أحد) لهم أثر في الدنيا؟؟ ،  
 لهم أثر؟؟ آه/نعم ، ممكن تكون مساكنهم موجودة  
 نتيجة تبقى آثار لهم ، لكن هل لهم في أفعالهم هم و  
 أقوالهم ، لها أثر؟؟؟ حاسسها دلوقتي؟؟ (هل تحس  
 منهم من أحد) أبداً ، لا يوجد ، (هل تحس منهم من  
 أحد أو تسمع لهم ركزاً) (ركزاً) دي أنا اتكلمت عنها  
 في المدونة و عامل عنها مقالة يعني ، لكن نتكلم عنها



بإختصار هنا ، ركزا : من صوت الركز ، الأمم لما  
 بتبني المباني بتركز أساسات في الأرض ، تعمّل إيه؟  
 ركز ، و بتصنع ده ركز ، يعني بتثبت وجودها في  
 الأرض ، لما بتجيب/تتجب أولاد ده ركز ، ركز ، من  
 الركاز ، شيء مثبت في الأرض ، يعني ثبتوا في  
 الدنيا ، هل تسمع لهم ركزاً ، هل تسمع لهم ثباتاً في  
 هذه الدنيا ، كذلك المشي جاي/يأتي من صوت ركز ،  
 يعني إيه؟ يدوس في الأرض و يحفر الأرض برجليه  
 فهذا ركز ، صوت ، صوت تواجدهم ، صوت حياتهم  
 في الدنيا ، كل ده معاني كلمة ركز ، كذلك ركز أي  
 ركاز ، اللي هو إيه؟ الذهب و الآثار اللي إيه؟ موجودة  
 في الأرض ، بنسميها ركاز ، يعني الغنائم و الأموال  
 ، هل تسمع لهم أموال أو ركزاً؟؟؟ تمام؟ ، كذلك من  
 خلال قراءة أصوات الكلمات بقى : ركز : صوت  
 الرء رؤيا ، صوت الكاف إنفكاك ، صوت الزاي ذنب  
 ؛ هل ترى ، هل ترى ما يفعلون من إنفكاك عن  
 الإيمان و إيلاغ في الذنوب؟؟ هل تسمعون؟ أو هل  
 ترى لهم من ركزاً؟؟ ، ركز ؛ فعل الذنب ، طبعاً  
 موجود بالتفصيل في المدونة ، حد عنده أي سؤال  
 ثاني؟؟ يالله/هيا (ليقرأ مروان الوجه) .

● و قرأ أحمد آيات من سورة القيامة ، و صحح نبي  
 الله الحبيب يوسف الثاني ﷺ تلاوته ، و ثم قال نبي الله  
 : بلى .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و  
صحابه و سلم ، سبحانك اللهم و بحمدك ، أشهد أن لا  
إله إلا أنت ، أستغفرك و أتوب إليك .

---

و الحمد لله رب العالمين . و صلّ يا ربي و سلم على  
أنبيائك الكرام محمد و أحمد و يوسف بن المسيح  
صلوات تلو صلوات طيبات مباركات ، و على أنبياء  
عهد محمد الآتين في مستقبل قرون السنين أجمعين .  
آمين .  

تم بحمد الله تعالى .